



湖南倡義錄 乾

丙子事

共二

又 7
4086
1



門 又伊 7
號 4085
卷 / -2



湖南丙子倡義錄序



粵在 仁祖朝國家多難偉功
卓節指不勝僂造風所及烈士增
愾余於數十載前始得閱此錄
舊編可石覺奮然興感而去其
倡義微蹟終不為湮晦焉嗚呼

崇禎丙子冬虜騎大至猝薄都
城 大駕移駐南漢延降哀痛
之 教以督諸道兵入救上果躬監
李公興淳大同察訪李公起淳淳
昌縣 崔公蒞前翰林梁公曼容
前察訪柳公楫菴振舉義以同志

百餘人委任同事以同事法公才諳
志節 或有與五公相伯仲至是
迭相畫籌募得兵糧甚多剋期
高會于礪山適值鄭畸菴弘溟以
紳名遠至遂推為領袖趣兵到清
州圍城下之盟乃痛哭而罷噫當

時事迄今聞風者尚何堪悲憤激
烈哉曩於涪灘三回之歲湖南
諸儒懼其事蹟泯而不傳始編成
此一錄遂以金溪陰元行文以弁
法卷後人得者以攷徵焉惟其
載不能無踈略舛謬若畸翁空

蹟之全然闕漏是其尤大者也今
諸公後裔與弟士友相謀改修
而以其錄來示余一繙過而歷歷
詳矣法公之奮忠抗義以致士民
之激憤鼓勇爭赴虜鋒其際可驗
其平日常節從節動遠近若其如公

丙子作義錄序
三
之當 天啓丙寅以泮儒請斬虜
价卒然為一盡以歸土顧豈不然
然則是舉也因為捐身衛社之
忠而實以從為攘大義中出來
形其所以於兵死之日名自散而
屏石或至多終身少出焉人之墮

是錄者閱其始終之可無惕然興
喟乎嗚呼我先祖九菴文正公嘗
謂衰也尤當崇獎節義乃遵朱
夫子表章山僧率寺之意特其
筆至及於炮手吏胥之跡去以諸
公忠節而不少概見於其記著

中志宜乎漢翁深致恨於是錄
之或不幸而多及當世也固以衰
之倍因宜激勵以忠烈之昇平之
亦可警惕於恬嬉此錄之出於此
時亦云幸矣錄中彩附者皆從人
家故紙中得其時印署之帖一似

意編時所徵信而亦得攷識於
奉曹公守誠日記中蓋曹公始倡
於和順之鄉而終與五公合舉云
為諸公所推許矣前後義舉極
多左亦湖南可見其俗習云美以日
湖南法君之為是錄者蓋相勉

旃哉余於丁卯舉義錄纔已叙其事矣又於此重有感焉遂書此為湖南倡義錄序

崇禎後三戊子仲夏德殷宋煥箕
謹序

舊序

昔當 宣仁之世上下四十年間國家累經大難湖南之士輒沫血奮戈以衛 社稷其在壬辰如金健齋高霽峰之倫其義聲固已聞於天下甲子迺變又有辛公惟一諸人謀興師討叛兵且發聞賊平而止然人猶至今誦之獨至丙子虜亂其變尤極矣而無聞焉何也豈山川之鍾於人者不如古歟將天地翻覆區區人力有不自容而然歟余未嘗不慨然往歲湖南儒士數人以丙子倡義錄來授余曰是舉也吾邦之遺老徃徃能言之顧無文字可藉近從人家故

今去丙子浸遠天下不復知有 皇朝矣然則是錄者雖不幸而不及於尤翁而亦幸而出於此時如長夜晦冥東方一星尚煌煌在天此豈偶然而然歟余既感諸公風烈之如昨而 崇禎之涖灘適三回矣竊為之俯仰深涕而書于卷噫其亦有知余之意也歟

崇禎紀元百三十七年季冬庚寅安東金元行謹序

丙子倡義錄目錄

卷之一

凡例

倡義事蹟

教文

通文

列邑報牒

召募使事實

五賢事實

二從事實

卷之二

列邑都有司諸公事實上

卷之三

列邑都有司諸公事實下

卷之四

列邑赴義諸公事實

和順舉義通文

和順舉義諸公事實

卷之五

羅州舉義通文

羅州舉義諸公事實

和順舉義時日記

羅州羅南礮通文

丙子倡義錄目錄終

凡例

一倡義錄有舊本 崇禎後再壬午所刊義例頗
 草率紀傳多差謬同志諸人方議重刊而文獻
 皆逸只有 教文一通文一從事官回移書目
 各一十五州報牒若干編仍又傍搜諸家文字
 加得若干人事蹟編纂如左此外列邑義士逸
 於通文而不傳者亦多事甚慨惜觀者詳之
 一倡義本末五賢爲之主故壬午本特詳其實
 而召募使鄭公亦漏焉今茲編纂專就徵信以
 鄭公列五賢上次五賢二從事有司諸公以次

附其下各從紀傳例略叙世德官爵行錄

一募義廳通文中古阜高敞順天靈光咸平茂長興德所傳者亦見遺失而有司報牒昭在故錄於十二州之次咸平以下三邑報牒只書姓署名故準署得名字者并錄錦山亦有報牒而不傳名故不錄

一赴義諸公事實或載邑乘或出先賢文集古家遺墨中俱係新錄凡十七人別爲一條

一和順曹公守誠與五賢同日傳檄光州等六邑定有司舉義同赴募義廳羅州金公璇發通一

鄉亦舉義來赴諸公實蹟并爲搜輯而起兵時事端稍異故別爲編錄曹公舉義時日記既多傳信故附其下五賢檄文出自翰林梁公手筆名臣遺墨最宜珍惜故付之剞劂印置卷末

凡例終

湖南丙子倡義錄卷之一

倡義事蹟

崇禎九年丙子十二月初九日清人大舉入境直犯
 京城 上幸南漢虜騎圍之甚急玉果縣監李興淳
 大同察訪李起淳淳昌縣監崔蒞前翰林梁曼容前
 察訪柳楫五賢聞變各自奮勵倡討賊勤 王之策
 收聚兵糧糾合義旅會黃芝所一皓請募人潛出使
 督諸道兵十九日通諭 教書自園中出來五賢聞
 命益悲憤其會礪山設募義廳二十五日傳檄道內
 分定列邑募義都有司有司諸公一齊響應曹守誠



曹焜等起於和順柳玘起於光州金璇羅海鳳等起於羅州各以兵來會其他忠志之士聞風亦會丁丑正月二十日合于礪山時大司諫鄭弘溟以召募使在公州五賢乃定議進兵以合鄭公遂爲大將且與本道監司李時昉合勢未幾鄭公又承號召使命還巡湖南沿邑獨五賢領兵與諸義士前至清州聞南漢出城之報諸公相向痛哭而歸

教文

王若曰我國臣事 天朝二百年于茲 皇朝覆育之恩至于壬辰而極此萬古不可渝之大義也一自

西虜猾夏我國義在同仇丁卯之變出於猝迫上奏天朝權許羈縻者只爲保全一國生靈之命故也今者此虜至稱僭號要我通議耳不忍聞口不忍說不計強弱顯斥其使只爲扶植萬古君臣之義故也予之終始爲生民爲 天朝者昭如日星此皆一國士民所共悉伊虜肆虐輕兵豕突予出駐南漢期以死守存亡之勢決於呼吸爾士民等同受 天朝恩澤深以和事爲耻者久矣况今君父危迫之禍至於此極此正忠臣義士捐軀報國之秋也噫予惟智不能明仁不能博以負爾士民則有之矣今茲禍亂之作

丙子傳事錄卷之二
非有所自取徒以不忍背君臣大義也此心此義通天下上下下爾亦安忍愬然於君父之義不救予之急難哉宜各奮智力或糾合義旅或資助軍糧器械奮勇北首廓清大亂扶植綱常樹立勲名豈不快哉故茲教示想宜知悉

崇禎九年十二月十九日

通文

國運不幸奴賊逼京 大駕移駐孤城賊兵合圍道路阻絕號令不通存亡之機決於呼吸言念及此五內如焚主辱臣死古今通誼凡有血氣者固當忘身

赴難而惟我湖南素稱忠義之邦曾在壬辰義烈已著况此 君父在圍之日乎即者通諭 教書自圍中出來無非哀痛之語其責望於道內士民至深切矣讀來不覺失聲慟哭求死而不得也惟願諸君子各自奮勵投袂而起糾合同志資助兵糧剋期齊會于礪山郡期以一心趨敵以救 君父之急如或遲回觀望越視秦瘠則非但前日忠烈之風掃地盡矣且將得罪於倫紀不容於鄉國書到無淹晷刻無相推調協心一力共濟國難不勝幸甚

崇禎九年十二月二十五日玉果縣監李興淳 單緘

大同察訪李起淳單絨

淳昌縣監崔蒞單絨

前翰林梁曼容單絨

前察訪柳楫單絨

玉果都有司梁山益 許暹 許廷亮 金弘緒

鄭雲鵬十二月二十七日到都

昌平都有司南燧 曹璠 柳東紀 玄績 梁干

運 李重謙 安處恭 南以寧 吳以斗二十

月二十七日到都

光州都有司柳珩 申澤 鄭敏求 李德養 高

傅立 高傳敏 朴琮 朴忠廉 朴忠挺

朴昌禹 李鼎泰 李鼎新 朴晉彬 奇義

獻十二月二十七日到都

南平都有司崔身獻 徐晉明 徐荇 尹儉 洪

南甲十二月二十八日到都

綾州都有司梁梯容 朱燁 文仁克 魏弘遠二十

月二十八日到都

和順都有司曹守誠 曹煇 林時泰 崔鳴海二十

月二十八日到都

同福都有司金宗智 丁之雋 河潤九 丁好敏

十二月二十九日申時到都有司丁着署

樂安都有司李淳 柳瀉 李純一

興陽都有司丁運隆 宋裕問 丁煥

寶城都有司朴春秀 朴顯仁 任况 金鉄 安

厚之 李宗臣 李敏臣 廉來立 十二月三十日到

長興都有司丁南一 金確 魏廷鳴

海南都有司白尚賓 白尚賢 尹仁美 金鍊之

尹惟翼 尹績 尹善繼

珍島都有司校執綱 畱鄉所

此亦中罔晝夜次次飛傳無滯一刻 為乎矣 本郡都

有司或在遠地若必通諭後傳送他邑則必有遲

滯時刻之患 置是 各其官鄉所時刻書填書姓着名

急急傳送一邊通諭一鄉使之一時齊會終到官

則元通文亦為罔夜還送以為考慢之地 為齊 ○一

鄉校書院司馬齋有司則雖非通文中所書之人

亦當無遺齊會措辦事○一此時更無他條出軍

之路前街進士忠義校生品官中年少可合人則

自當裝束馳赴其餘老殘不合從軍者或代奴或

運糧或以軍器或以戰馬從自願募聚事○一所

募軍兵糧餉軍器戰馬勿拘多少隨其所得都有

司一人這這率領上來交付于本廳事○一各邑
境內大小人員中如有勇力絕倫計慮稍優者則
為先姓名成冊裝束治送事○一今番之變非如
甲子丁卯之比不可一刻留滯星夜上來事○一
今番募義非前日鄉曲自相糾合乃是 有旨內
事是去為臣民者不可慢忽或遲延等待坐失機
會則後 君之罪終必難免各別惕念舉行事○
一列邑都有司收合形止為先馳通事○一軍中
所急者莫如糧餉各邑境內家計富足者則或百
石或十石或數三石各隨其力為先成冊上送事

募義廳文狀

古阜都有司為馳報事伏見通文尤不勝痛哭募兵
事鄙邑別定募兵有司四人多般召募而無應募者
故只得五六人將為起送時方盡心謀得而軍糧則
二十餘石已為收合將欲輸送計料事元通文則終
到官還送都廳云故還送事右牒呈募義廳 崇禎
九年十二月三十日古阜都有司趙克訥 崔敬行
金地文 金地英 朴光亨 金地西并無署
行羅州牧使為上送事節到付廳甘結內今此募軍
發送時分給次以各其官所上紙甲掩心掩頭等物

隨所在勿論會付會外沒數因晝夜輸納本廳俾免

軍律事甘結是置亦會付掩心段會付本無為在今年

造作會外掩心九部使準授上送為卧事右牒呈募

義廳 崇禎十年正月初一日行牧使吳具緘○竹

題鎮撫初九捧上本廳初十捧上

高敞召募有司為起送事本縣募兵七名募粟四十

八石成冊上送為白事右牒呈募義廳 崇禎十年

正月初五日都有司柳東輝 柳鐵堅齋有司朴奇

琥 曹添 柳汝楷 柳之泰并單

樂安郡公兄文行郡守主教是領軍發行教在是白

丁丑正月初一日丑時到付義廳甘結內卜馬及僧

軍發送日期甚急論不許多僧軍乙未能盡備軍器

姑以三稜杖備持分付如為有更思之則只用木杖全

無兵刃似極虛疎置為同杖鈴造作杖頭鐵槍乙計其

所定僧軍數依全州府所造見樣措備都會礪山以

輸送以為給僧軍之地事甘結是白本郡卜定僧

軍十八名所給杖鈴造作頭鐵槍等乙全州府所造

見樣以措備使官校今月初一日發送為白是良於右味

上狀募義廳主處分 崇禎十年正月初五日申時

戶長張 記官朴 李并單 緘 題捧上到付十三日

十六日本郡糧僧覺心等十八名亦為分給

順天府義廳都有司為發送事本府所募義兵三十

名乙定有司一人本府行軍日領送為乎願納戰馬

一匹及所募義糧一百石亦為成冊末端懸錄上送

為事右牒呈募義廳 崇禎十年正月初六日都

有司前經歷安瑤具進士趙時一 趙時述 幼學

金廷斗緘并單題義兵點送軍前戰馬及義穀成冊

捧上為在本府素以湖南莫大之邑當此罔極之日

所得戰軍止於三十名都有司不為盡心之狀殊極

未便為置斯速加數募兵裝束起送事到付十四日

海南縣義兵廳都有司為文報事 國事至此罔極

痛哭之外更何言哉本縣士民等聞變之初即設義

廳收募兵糧則糧米四十餘石軍器長箭二十部長

槍二十柄等乙已為措辦而今方這這募聚為有義

兵段置亦為募抄星火催督為在大槩義兵糧措設

形止段曾於本縣擺撥文牒中枚報于都差使員前

為有本縣士民等兵糧措為緣由乙本廳以馳報

為事右牒呈募義廳 崇禎十年正月初七日酉

時都有司進士金鍊之 尹績 幼學尹善繼并單

題到付為在義糧良收聚後別為文牒報為義旅良

斯速糾合刻日上送以爲合勢進擊之地事十九日
錦山募義有司爲文報事義兵募聚事有司長立告
諭書院鄉校忠義中無一自願仍前日糧餉以三十
石外加聚爲乎論報爲有有司一人進去聽分付回
言內盡心竭力募得亦行下良此意乙又與一邑人
以通諭百般闊說置爲良更無應募故有司不得已令
各面有司舉定抄得爲如被抄者或舉家逃云或
怨詈未抄送前有司幾被隱害爲咸願糧餉則自當
辦出亦爲卧爲有司者欲死無地是良何以爲之爲
乙指揮行下爲只爲右牒呈募義廳 崇禎十年正
喻

月初八日都有司朴

趙

并具

題當此罔極之日

遂有避害之計豈意名在青衿者所爲至此無形乎
斯速多數募得精兵毋使二百年君臣大義一朝掃
滅事初九日

任實鎮安長水等邑募義官差定今月初八日夜半
來到緣由馳報事右牒呈募義都廳從事官 崇禎
十年正月初九日募義官前縣監曹具題到付同
月十一日

玉果縣監軍官崔尚武軍兵次知

淳昌縣監軍官許墳軍器次知

募義廳

押署

募義廳有司等為文報事本縣義廳召募義旅為乎

勒定為難乙仍取其奮義應募者十二人為先上送

為乎其中校生金慶伯以定將領去為去此後連為

召募計料為義糧段一百石礪山義廳納上次以今

月初六日為先船運為有事右文報召募大將 崇

禎十年正月初九日靈光都有司前縣監李喜熊

幼學李敏謙 李坵 李垚 宋軾 金礪 生員

姜時億 丁名國 幼學金尚敬 姜時萬 姜時

健 李暉并單 題來到軍兵十二名段點送軍前

為在募穀幾至百石又有隨後加數募得之報本郡

都有司為國急難之意誠可歎服是在依所報這

募得馳報事到付十四日

茂長縣募義都有司為起送事本縣段儒生數少募

兵之舉比他邑尤難百計無策為如此五名段為先

起送為乎小名成冊并上送為他餘義旅則皆以軍

糧從自願仍曾以此意稟報為有事右牒呈募義廳

崇禎十年正月初九日卯時募義都有司姜 李

別有司庾 康 吳 康并單 題募兵僅至於五

名都有司越視 君父急難之心明不可掩年少壯

健戰陣可合者多數募得斯速牒報為乎如或膽力

出人厭避戰陣者則雖勒定無妨相考施行事

興德募義都有司等為上送事縣中良募兵九名內私

奴道生段已為先送遣為有其餘八名及募米十五石

良并錄成冊亦為上送為乎都有司段軍餉一事極

重時方收合于仍募兵乙別有司以為先領送為白

事右牒呈義兵廳 崇禎十年正月初九日都有司

鄭金李并單緘題點送到付十三日

募義廳從事官書目南原戰軍四十九名糧軍五十

三名等以戰軍則十日糧各米二斗糧軍則二日糧

各米四升元軍糧各給四斗分給發送為同軍領將

前僉知金汲姓一人缺二名各給二日糧四升式騎馬

二日料粥米四升正租則卜馬并各給三升式亦為

分給發送狀 崇禎十年正月初十日從事官前縣

監林 玉果縣監李 礪山郡守趙并單緘題現身

到付丁丑正月十五日在公州募義大將押署

咸平縣義旅廳都有司為急急馳報事本校義旅乙

裝束發程後馳報次以朱及成冊上送是如今月十

五日義旅校生十二名乙發程是乎當初義糧馳報

時良優數船運計料是乎風勢不順幸有遲緩之弊

是乎向入必于此少是乎竭力陸運趁時上納則

便當乙可乎二十石以牒呈為有節一依道行下船運

次以校生等乙盆募合米參拾柒石壹斗乙是乎冬良船隻

以時方載運為只為右牒呈募義廳 崇禎十年正

月十三日都有司鄭 鄭 李 鄭并單 題都元

帥及南北兵已到京城南漢北門屯賊乙襲擊大破

賊勢摧挫勦滅可期即今事勢萬分緊急義旅義粟

不可小緩斯速發送輸運俾無事過未及之悔事到

付十九日 康津縣留待色文節到付甘結內乙用本縣縣監王

手下軍官及親兵等抄整押領來付亦為白縣監王

是教軍餉督發差使員以所屬各官發行未及還官乙仍

于空官時鄉所以同軍官親兵等先抄數以上送白為

有等勢不得已留待色吏以為先小名成冊上送白為

遣右伏候募義廳從事官道 崇禎十年正月十二

日留待色金單緘 題點送到付十四日

康津縣留待色文本縣手下軍官及親兵等乙上送

為矣空手上來禦敵不當是退出于仍本縣載來留

待弓箭乙親兵六名良常角弓各一張長箭各十箇

式分給點送為白乎以此緣由馳報為白事募義廳

從事官道主 崇禎十年正月十四日文留待色金

等

緘單 題呈本官施行事到付廿四日

同福縣募義都有司為馳報事當此 君父危急之日為臣子者固當痛哭赴難與我列邑奮義之士戮力滅賊而本邑為縣道內殘敝雖有邑號難成邑樣人民鮮少物力板蕩義旅段竭力招募僅得儒生六人成冊一時起送為義糧段雖聚略千米石軍兵運糧人馬竭盡末由輸送仍募收義布四十匹以補軍需次以不日內從當上納計料為合行牒呈右牒呈募義廳 崇禎十年正月二十日都有司河 金 丁 丁并具 題募義廳廿一日

礪山募義廳從事官為回答事今到貴陣移文內行

到泰仁因道路訛傳驚惑軍情似難鎮定為去探知

賊情次以馳報為去從實題送以鎮軍情事移文是

有相考為乎曾見貴州牌文則既已召集義旅拜將

領率上去是如為有其為 國效死之誠誰不嘉歎

今見移文則已到近境尤切顛望道路訛傳不過逃

軍潰卒之做作而因此驚疑不即前進不可使聞於

他將况南北軍都副元帥兵已到南漢之下北門屯

賊夜擊大破諭嶺東嶺南兩湖官軍義兵及統制

使精砲數千一時齊進期以合勢為去解圍之期指

日可待貴陣鎮定軍情斯速赴難以樹不世之勳毋
貽事過之悔事合行移文請光州義兵將 丁丑正
月二十一日募義廳從事官署押

光州義兵廳有司為文報事本廳收合弓箭赴敵軍
分給後餘箭十六部乙募義廳納上為去考捧為只

右牒呈募義廳 崇禎十年正月二十四日有司申

單絨奇 李單絨 題長箭十五部二十九箇捧上礪山

留置到付廿五日同日安南傑交子弓二丁片箭一
部內一箇無鏃義廳納上從事官

召募使事實

鄭弘溟字子容號畸庵文清公松江澈季子也生于

萬曆壬午幼而聰警絕倫年甫齡作句語驚人松

江公奇愛之少從宋龜峰翼弼學既長受業於沙

溪金先生長生受易心經近思錄等書貫通微奧

多所自得先生輒加獎與慎齋金公集麗澤相契

金公以國士許之最受知於月汀尹公根壽尹公

折輩行相從聲名蔚如也丙辰文科初隸承文奸

黨 啓削公即還杜門研究經史遠近從學者甚

衆癸亥改 玉羣賢彙征公首被薦入史局俄入

玉堂歷清顯甲子迨變扈 駕于公州還都上疏

請伸松江誣枉蒙 允滿雪是後連在三司 經
幄人稱有古學士風以吏郎陞副應教連魁月課
特陞通政連拜副提學大司成皆力辭求出爲金
堤倅建小閣於衙後招集境內士子捐俸廩養勸
課成就隣邑學者多聞風來集已而告病歸鄉清
陰金公尚憲主銓時以詞臣不可遠去請還邇列
連有 召命而不就丙子虜寇猝至 上入南漢
城公聞變將欲勤 王馳到礪山時李公興淳起
淳崔公蒞梁公曼容柳公楫傳檄一道與列邑同
志之士倡聲舉義已會境上公遂得見本道監司

處 有旨自圍中出來益激勵募義旅得緇俗數
千與倡義五賢合兵金堤邑子受業者亦爭來願
從時 有旨以公爲本道召募使公領諸義兵畱
陣公州與監司約期勤 王俄聞諸路兵皆敗人
心大擾監司兵先潰公不得已劄軍車嶺爲扼蔽
兩湖計會 分朝又差號召使令通漕于江都監
司遂請公先巡海邑公乃以所募手下兵付監司
巡到湖南海邑聞江都失守 上出城公廢食痛
哭罔夜奔問連拜兵吏曹叅議時有斥和諸臣查
問事公疏論其不可庚辰 世子自瀋館歸覲公

力疾上京迎送西郊其送也近前痛哭 世子亦
涕不能禁自是若聞北使至輒悲憤慷慨淚隨言
激不以進退有間焉時文衡缺擢爲兩館大提學
辭遞後屢拜皆不就庚寅終于家享年六十九以
從勲 贈左議政謚文貞

五賢事實

李興淳字油然號雲巖韓山人文靖公牧隱先生穉
之後八世祖衍基判濟用監事弟裕基都摠鎮撫
與再從弟忠簡公塏同被 景泰丙子禍曾祖穉
始居全州公與弟起淳生淳俱生於全州父克誠

進士母完山崔氏直提學煙村德之六世孫女也
湖南有三賢母一慎天翊母一梁曼容母一卽崔
氏也母嘗夢謁舅姑墓墓前有三巨巖戴其一而
廻生興淳故小字戴巖又夢負其一而廻生起淳
故小字負巖又夢抱其一而廻生生淳故小字抱
巖及長俱以才學顯而早孤力學文章振世以光
海歎倫不就舉逮癸亥 大妃復位與二弟起淳
生淳始赴司馬鄉試旣入圍生淳以白衣被黜公
乃與仲弟起淳同出至終場偕入俱拔鄉解會試
又聯璧以母命居泮丙寅虜使至公與二弟及同

丙子昌義錄卷之一
館若而人上章言虜方匪茹大邦在我侯度所當
敵愾今乃交使於義不可請斬虜价函首送 天
朝辭意凜然一世韙之而其時主和之臣皆不悅
也戊辰登文科丙子冬虜又大至時公守玉果聞
南漢之圍急與弟起淳及淳昌縣監崔公蒞前翰
林梁公曼容前察訪柳公楫共謀舉義發檄遍諭
道內與諸邑有司會兵于礪山時召募使畸庵鄭
公弘溟爲義兵大將鄭公署公爲從事官使之專
管軍兵幕中機務皆委任焉行到清州遽聞講和
公與西歸公握手痛哭賦詩矢志曰 皇朝猶我

祖 聖上卽吾親已有人倫定何難處此身入峽
詩又曰春光不逐腥塵變山色還同去歲新疲馬
獨尋江上路 大明天地釣漁身遂入雲巖山中
結茅遯迹仍與朝士阻絕每語及丙丁輒雙涕泫
瀾終身坐不向西燕貨毛物切不近身雖在草莽
一飯未嘗忘 君有人自京洛來必跪問 上體
安否及 仁廟昇遐公語弟起淳曰我兄弟受國
厚恩而時命大謬未有涓埃之報吾輩盍盡方喪
之禮以答萬一遂疏食三年 孝顯兩朝屢以郡
牧及正言掌令司諫執義等職 特召而一不就

遺命以玉果縣監題銘蓋以 誥券之 崇禎年
號止玉果也公篤於孝友早失怙奉母夫人備盡
誠孝嘗值親癘欲釣鯉爲饌而乃釣蓼煎進疾瘳
溪上遂有釣蓼臺名始仕時季氏嬰呪疾公解官
歸家自迎醫手執藥餌欲其生萬方而終不得救
必欲復其讐細察情跡得罪人訟之官六年乃雪
爲文祭亡弟墓然後始就仕與弟西歸居同一室
終日怡怡西歸歿後不復坐其室公兒時兄弟學
於同里金叅奉峻業金公有疾湯藥必親執以致
其誠里有年少以非理挾官勢蹴毆金公公赴救

乃得免出入輒衛翼之金公歿心喪暮年內舅知
事公嫡無嗣而有側孫三孤公與西歸乃分養教
誨如親骨肉以至婚娶成立焉其宰玉果也仁威
曲當吏畏民安聽斷如神故道內獄訟多歸之玉
果舊無文學公選境內聰敏者躬親課講嚴而不
倦數年之後人才蔚興人以文翁化蜀比美而立
興學碑遜處以後惟潛心聖學其丁外憂幼而能
致哀毀幾至滅性及遭內艱年逾六旬而執喪盡
禮廬墓三年 英廟朝褒公節孝 贈吏曹叅議
尋又 命旌閭全州任實玉果等邑皆膺享之尤

庵宋先生嘗曰李某兄弟不仕之義最可尚云公
生於 萬曆庚子卒於 顯廟壬子俞文翼拓基
撰墓銘

李起淳字沛然號西歸雲巖與淳之仲弟 萬曆壬
寅生八歲受讀詩傳至檜風誰將西歸懷之好音
之句慨然泣曰周天子之國而其衰微如此可不
悲乎人異之 仁廟甲子公兄弟三人俱中司馬
居泮公與伯季氏抗疏請斬虜使函送 天朝一
國義之丁卯公與季氏聯捷登第丙子以翰薦出
爲大同察訪嘗與方伯諸員奉審箕子殿方伯以

下再拜公獨不拜方伯詰其故公曰拜者有拜者
之心不拜者有不拜者之心蓋非其白馬朝周之
義也是年冬清兵猝至南漢受圍公方以覲在玉
果伯氏任所無路還官與伯氏及同志移檄倡義
與本道諸邑有司糾聚義旅於礪山與義將鄭公
及方伯李公合兵及至清州賊陣甚逼軍情洶洶
監司諸義將購募覘賊而莫有應者公挺身請往
陟山俯瞰卒遇賊軍奮劔一喝而擊走之追斬九
首而還士氣增培俄聞南漢出城公與伯氏北首
慟哭而還於薪堂舊舍躬治田園爲養母夫人慊

慨作詩曰中原自無主何處見皇威河北風塵暗
江南羽檄稀當年文物地此日戰爭畿永負尊周
義西歸淚滿衣對客酬酢語及丙丁輒流涕燕貨
毛物未嘗加體 朝家以弼善獻納累召不起作
蹈東海疏辭義凜然嘗畜一犬名曰殛汗對客呼
犬曰汝何以殺汗犬即張目踊躍取木嚼齧申公
饑見而異之公壬寅卒辛亥以孝友 贈都承旨
乙丑以忠孝節義 命旌閭立祠西山
崔蒞字輝叔號石齋系出朔寧領議政文靖公恒七
世孫校理號未能齋尚重子也幼穎異俊彩特出

年十一天將望見於講武稠人之中奇其儀表延
坐厚贈曰此天下奇兒中國之所罕見也及長篤
志學問其視俗儒科曰若浼也 萬曆己酉登上
庠時值昏朝無當世志卜築頭流爲終老計 仁
廟改玉舉遺逸累 徵不就甲子适變先生與仲
氏判書公務馳檄道內糾合義旅會于南原之栗
場推判書公爲大將趣兵北上聞賊平而罷甲戌
拜大君師傅時 孝廟在鳳林邸春秋十六麟坪
大君年十三始講日小宦置案大君前請師傅進
講先生正色曰師無徃教之義 上聞卽令改正

丙子傳事錄卷之二
仍著爲式大君時學唐音先生曰詞華浮藻末耳
遂講論語自是凡大君動靜語默微有過差輒引
古訓以警飭嚴立課程侃侃不撓 上命世子及
兩大君各持所講書來適皆魯論也 上各加難
問以大君所對最善實由得師命賜虎皮以嘉之
乙亥棄官南歸丙子諸宰以才學交薦超陞六品
出守淳昌是冬北虜猝至列郡波蕩獨先生嚴兵
固守鄭相公太和以元帥從事南下擇可安處馳
抵淳邑是夜後山砲響大起官吏皆震恐請出避
先生不應令曰無譁違令斬堅卧不起鄭公使人

來曰將有變若之何答曰勿慮也俄而自定皆服
其量時南漢圍急卽與李玉果與淳察訪起淳梁
翰林曼容柳察訪楫傳檄道內乃與從子徽之共
倡大義糾聚兵糧於礪山進至清州聞已講和北
向痛哭而還自是常有復雪之志感憤激烈嘗以
詩寓懷曰不幸生斯世無端辦此癡人爭拜犬豕
誰復問華夷忍辱心如割含羞涕自滋倘能明大
義財力尚堪爲又曰烈士捐軀日忠臣扼腕時有
誰能雪耻無處不生悲又曰但無餘事關心處獨
有孤懷刺骨悲誰料箕封禮義國忘讎忘耻至於

斯已丑 仁廟賓天 孝宗嗣位成服翌日 教
 曰宋時烈崔蒞予之舊時師傅惓惓之懷誠切于
 中備述此意一體宣召先生感激赴 召筵中語
 及復雪先生曰復讐非難知人是難昔漢昭帝年
 十四知燕書之詐唐太宗年十八舉兵定天下
 殿下曾在江都不能斬金慶徵以保江都臣以此
 恐 殿下未能也其意蓋欲激發 聖意勇斷大
 義而竟未酬焉識者恨之 除司業過 因山即
 以疾辭歸其後連以進善掌令承旨 徵皆不就
 以終訃 聞上震悼命優給葬需以二品例賜祭

知製 教撰進祭文 上以文不稱實三改而後
 用之其略曰予惟寡昧孰施切磋就于甘盤得以
 講廟功資新得討實證訛予自得師補益弘多庶
 望一出心胡我遐方期乞言遽報嬰痾誠未致賢
 實予之過公生於 萬曆癸未卒于戊戌與未能
 齋並享露峰書院子攸之文科執義亦有學行號
 艮湖

梁曼容字長卿號據梧系出耽羅曾祖校理 贈吏
 曹參判彭孫號學圃以趙靜庵道義交同被己卯
 禍并賸享竹樹院祖副提學 贈禮曹參判應昌

號松川文章節行爲世師表父處士山軸師事栗
谷李先生珥專心經學壬辰亂與兄生員山龍佐
郎山璫舉義推倡義使金干鑑主盟討倭不克癸
巳佐郎公立懂晉陽 贈左承旨立祠晉羅二州
處士公於丁酉再亂與生員公奉母夫人朴氏闔
門并歿於忠孝節烈家有八旌閭公之兄嫂柳氏
李氏妹金氏婦族女金氏婦庶侄女林氏婦也妣
高氏復讐將孝烈公從厚女招討使忠烈公敬命
孫閑婦道能書史教子有法湖南有三義母高氏
其一也公以遺腹生於 萬曆戊戌時倭寇猶未

退高氏隱避里後竹林中適有一大蛇圍公高氏
救不得徐言曰梁氏血脉惟此兒在爾欲害之天
也不然爾去爾穴蛇乃俛首而逝入池中見靈乃
黃龍也如是者屢高氏心異之公生兩家忠孝之
門自髫齡操守磊確才器絕倫世稱神童十三從
姜睡隱沉學篤信聖賢之訓以經濟節義自任甲
子適變以布衣爲募義都有司與辛惟一諸人倡
義亂平而止丁卯虜亂又倡義赴號召使沙溪金
先生長生軍和議成而兵亦罷 崇禎癸酉增廣
生進文科俱中一等歷翰苑春坊選湖堂玉署以

內一備錄金入卷之二
華國之才聲望伏一世而侗儻不諧自丙亂後不
屑進取官止應教始公之在翰苑也島倭求馬上
才及好馬備局許之又以金汗嗜红柿請載送公
慨然時事以南宋之見欺金元斥備局乙亥胡差
來到 上引見仁政殿胡差據交椅而坐從胡攔
入 殿內公以近班不勝憤慨抗義斥和議曰
天朝之於我國義則君臣恩則父子二百年來我
國之服事猶子之事父 天朝之懷柔猶父之愛
子誠意交孚視同侯甸至於壬辰遣將給餉再造
藩邦恩莫大焉德莫重焉不幸醜虜乘釁讐我

大邦則爲王先驅分義當然而旣不能敵王所愾
又從而結爲兄弟君臣之義掃地盡矣雖謝兵單
力弱不能自振而 萬曆之恩終可忘乎上下恬
然苟冀無事買中國之玉帛資醜虜之需用 天
朝之設法嚴禁固其所也而奉使之臣不能謹慎
多率無賴之徒以致 天朝之詰問辱國孰甚焉
此魯連之欲蹈東海而胡銓之不忍處小朝廷者
也丙子遂屏跡歸鄉是冬清兵大至聞 上在圍
城卽日舉義棟家丁募壯士方欲勤 王而慮其
單師難進乃與李玉果興淳李察訪起淳崔淳昌

蒞柳察訪楫會倡勤 王之論諸公亦倡大義者
議遂合旋見 徵兵教益奮勵共設募義廳於礪
山飛檄趣兵而檄文公之手草也將行辭母夫人
夫人曰忠孝乃家事勿以老母爲意也且戰陣無
勇非孝也公受教赴陣所得兵馬器糧先送義廳
只率壯士八人家僮數十行到泰仁感吟一絕曰
平戎無策有長纓撫劔中宵氣不平想應南漢山
頭月照得孤臣一片誠都會礪山誓師北赴與鄭
義將弘溟并旅又與監司李時昉合勢駐公州鄭
公以號召使還巡湖南沿邑公與諸義將前至清

州賊兵甚逼軍情洵擾方伯及諸義將欲察賊勢
而莫有應者公挺身而赴李公起淳杖劔同往登
山俯瞰曹公守誠踵至追斬虜騎行掠者九級奪
其輜重士氣倍增時官軍日散遂移陣古洛里公
以義兵爲殿師行一日道無亡者旋聞下城之報
與諸公北向痛哭而罷奔問 闕下力陳義理指
斥時宰自是無意當世連有 召命而多不赴常
講紫陽修攘之策以寓忠憤語及時事輒悲歌慷
慨甲申聞 帝京之陷悲憤不自勝曰 萬曆再
造之恩百世不可忘而今無可報之地豈不痛哉

內二信錄卷之一
二十五一
述懷曰忍耻尚看秦日月含情空讀宋春秋蓬齋
志而歿年五十四子世南有文行性至孝薦遺逸
除參奉不就遭艱廬墓十二年而終有白鵲之感
世稱龍江處士

柳楫字用汝文化人號白石高麗大承車達後入我
朝元顯官至漢城判尹於公爲八世祖也父泰亨
受學於沙溪金先生先生以張橫渠姿稟許之昏
朝時抗疏扶植人紀丁卯亂 世子駕向全州時
以漢城參軍扈從多應變之策參昭武原從功臣
官至刑曹佐郎公生於 萬曆乙酉丙辰中生員

天姿溫粹氣節卓爾早遊沙溪先生門受心經近
思錄等書造詣實深先生獎曰吾黨有人矣 仁
廟朝以老先生薦 除葵樹道察訪復有義禁府
都事麒麟道察訪 王子師傅之 除皆不就
孝廟朝復以 世子侍講院諮議 召之亦不就
當甲子迺變與弟教官棹及列邑士友倡義虜使
之來公與李西歸起淳及諸同志之士上章請斬
虜使丁卯虜變沙溪先生爲號召使以公爲參謀
委以籌策大小諮決時與宋睡翁甲祚安牛山邦
俊諸公綢繆方略語輒流涕逮丙子之亂 大駕

丙子傳事錄卷之一
二十九
播遷哀痛之詔降自圍中公沫血飲泣遂舉大義
與李雲巖興淳西歸起淳崔砭齋蒞梁據梧曼容
諸公誓以一心勤 王移檄列郡于時一道波蕩
而及聞義聲志士響應乃糾聚兵糧齊會礪山前
到清州聞講和消息與諸賢北向痛哭而歸賦詩
見志曰萬恨千愁集此辰山河回首漲胡塵生涯
已作迷邦客身世還慚入海人西去衣冠猶未返
北來消息苦難真何當斬取樓蘭首中夜挑燈看
劒頻又詩曰士民魚肉不須論今日傷心獨 至
尊瑤塞雪飛消息斷玉關雲鎖夢魂頻才難孰買

涓人骨力弱惟思句踐薪回首中原時北望佇聞
天子朔方巡其傷時憂國之意見於詩詞者蓋如
此公自丙子以後決意遯世築室山谷以闕進後
學爲已任學徒甚多蕭然一室不蔽風雨處之恬
如 孝廟辛卯卒于家道臣沈澤以聞 上悼惜
不已 命給葬需門人侍病者七寸餘人仍持服
治喪吏胥村氓葬前不肉者亦衆老峰閔公鼎重
時爲本道御史還朝 啓曰故諮議柳楫以學行
有重望於山林且居鄉勤於教誨學徒甚衆聞風
而向善者亦多臣之奉 命湖南也聞楫之歿其

門人服喪從葬者百餘人人皆歆艷師弟之禮三代以後廢已久矣於今復見此誠稀有之事 孝廟嘉歎 贈司憲府持平翌年壬辰兩湖士林慕其義立祠金堤郡勝盤山下俞市南榮製奉安文有曰於休先生秉道貞純蚤登師門儕友推仁溫溫其表兢兢其操辭榮履素養靜允蹈和風煦物至行範世尤庵宋先生撰墓碣文有曰余嘗過公於老先生門下語及爲學之方余曰朱子以爲錢穀甲兵無非爲己之學公曰方物出謀物來順應豈是易事至今追思余不能實用其力故易言之

公則內省之密故知某不易公於是不可及矣其銘曰忠信篤敬化行鄉里盖有甘白本旣立矣從師受書淵源端的所造淺深人雖不識苟亦無實人豈化服

二從事事實

林瑞事實不傳

崔徽之字子琴朔寧人領議政文靖公恒八世孫校理 贈大司憲尚重孫左尹荇子也校理公當壬丁之難與高霽峰敬命倡義爲運糧將從權公慄東征屢承 聖眷號未能齋享露峰書院左尹公

號星濟甲子迺變與弟承旨公蒞共舉義旅丁卯
虜難巡湖左召募義兵丙子扈駕南漢及下城
絕意當世杜門以終訃聞致祭贈吏曹判書
鄉人立祠享之以萬曆戊戌生公幼而秀異不
喜狎戲甫舞象盡通四子諸經及近思錄專心問
學甲子登上庠朝廷以其才行授金吾郎旋棄
歸辛未除自如道察訪清慎自持及歸立石頌
德丙子虜兵圍南漢公在家聞變從季父承旨公
共謀舉義從事戎幕籌畫精密義廳諸公莫不許
其才諳前至清州聞已講和北向痛哭而返嘗賦

噫嘻詩以見志其詩曰噫嘻我朝鮮咄嗟我朝鮮
二百四十有六年四十六年誰使延皇朝再造
恩如天當年未識北有胡舉國但憂亡於倭亡於
倭幸而免亡於胡亦云多稱臣奉表尚不忍助兵
西攻於義何不能蹈海歿尚寐願無訛我朝鮮我
朝鮮不堪噫嘻復咄嗟自是杜門自廢專務晦養
屢除翊衛司諸職不就孝廟己亥上方有
復雪志以宋文正公時烈長天官旁招俊又擢拜
工曹佐郎公感激出謝未幾棄歸其後連有職
命而皆不就每語及時艱慨然涕下聞朝廷以

漂海漢商送北庭輒瞿然起立飲泣獻欵乃作五
絕詩以寫懷其一日中州舊有十三省聞說 朱
皇保一隅四省全勝三戶楚孰爲江左管夷吾餘
皆哀傷慨惋之詞已酉終於第享靈峰書院金文
谷壽恒撰碣銘朴文純公世采誌其壙有五子靜
翁瑞翁早歿致翁文科翰林是翁持平啓翁文科
牧使以清名直節著

湖南丙子倡義錄卷之一

湖南丙子倡義錄卷之二

列邑都有司諸公事實上

玉果

梁山益字汝瞻號退隱南原人龍城君三江先生朱
雲齋兵曹判書超九世孫直提學恰八世孫兵使
敬老五世孫父判官時遇以 萬曆癸巳生公天
姿峻潔地步卓越孝友出於天賦身幹壯偉勇力
絕倫醇厚有大度喜怒不形於色負一道重望丙
子雲巖李公興淳宰本縣當虜亂鳩邑兵將欲勤
王邀公問計公條陳單師難進之勢鼓動一道之

策李公大其言與同志諸公發檄遍諭道內分定
列邑倡義都有司任公本縣都有司使之召募遂
募聚義旅義穀剋期赴礪山義兵元帥鄭畸庵弘
溟見公忠義奮發號令明肅喜曰賊雖千萬吾可
無憂公擔當兵務爲李西歸前隊馳到清州士氣
日倍皆願一戰忽聞南漢出城之報與諸公北首
四拜痛哭罷兵歸遯雪山東漁隱洞永矢不出終
身不向北坐每當兵罷之日則默坐流涕通宵不
寐賦詩見志多檜曹風泉之思

許暹字明遠號竹軒泰仁人持平斯文七世孫祖績

號松陰隱居劬經不履戶外鄭文清澈知其賢贈
書牛溪成先生渾曰始得湖南一士薦于朝除
別坐不就父之立義禁府都事公生於萬曆己
丑乙卯中司馬師事鄭畸庵弘溟薦爲北部參奉
不拜後拜章陵參奉志切養親浩然棄歸都下
士皆稱孝子畸庵贈別章曰黃冠返壑思投綬彩
服趨庭慰倚閭歸家養親盡禮講究經旨當甲子
適變公募聚兵糧軍布輸之心都瀝血封疏批
曰爾意嘉爾至丙子虜亂見圍中徵兵之教灑
血奮勵謀起義旅時地主李公興淳與弟起淳及

丙子傳事錄卷之二
同志三賢傳檄倡義以公爲募義有司乃募旅聚糧赴難路聞媾成痛哭還鄉每當兵罷日輒振纓長吁絕意仕宦讀書以終俞相國彥鎬銘其墓許廷亮字子善泰仁人泰山君褒後持平斯文七世孫父之熙以定社功臣仁廟特贈嘉賞公生於萬曆辛卯自幼篤孝七歲遭丁酉亂父爲賊所虜將欲害之公抱父呼哭冒白刃翼蔽願以身代賊感而義之不忍傷害書公背曰孝子後來者勿侵後他賊見其背書遂率去至海南船頭公告父曰渡此海則異域也棄我家邦豈忍越此界乎以歿

自誓將欲蹈海賊義而釋之事聞旌閭及長殫子職其丁外艱廬墓終制值丙子亂慷慨泣下曰君父之辱至此臣子當捨命報國召募義旅倍道赴難背城死戰是吾志也乃與妹婿梁山益及同志諸人應五賢檄募士聚糧與列邑有司都會礪山赴難及聞講和相向痛哭決意共遜隱居鶴峰下以慕齋自號不求仕宦常講小學一部終身服膺韜晦以終世稱忠孝雙全

金弘緒字緒甫慶州人新羅敬順王後判書冲漢八世孫府使有澗六世孫參奉鎰五世孫生員克修

子也公稟性剛明處事果斷篤學安貧孝友出天躬行節儉未嘗言人之過以文行見重士林嘗與從兄弘濟同入鄉解場屋俱揮券冠榜從兄忽患痘疫歸家而歿公不赴覆試曰兄弟聯榜今不忍獨就公車遂坐停其後因廢舉業晚以悅親之心一舉中司馬當丙子亂公卽赴縣衙見地主李公興洵校涕論起義事李公曰求忠臣必於孝子之門子真是耶公出語一鄉同志曰主辱臣死職也豈可惜一縷之命而畏彼虜千萬之衆乎遂指天爲誓李公聞而義之及見五賢舉義之檄募聚兵

糧北首直赴一鄉義士從者甚衆行至清州聞講和北向痛哭而歸謝世息交講磨經學終老林泉嘗曰士君子志節當如松之貞石之堅自號松石亭

鄭雲鵬字搏仲號北溟草溪人麗朝光儒侯倍傑後掌令寅孫公生於萬曆乙卯乙亥中司馬文章筆法俱名於世逮丙子亂見五賢檄奮發與鄉隣諸友糾合兵糧罔夜赴難道聞媾成相向痛哭而歸築亭合江上琴酒自適賦詩云有客臨風氣不平塞雲秋色晚層城青虬吼匣霜銛露細想陰山

雪後程丁巳終于家

昌平

南恽字仲深號聽竹宜寧人七世祖乙珍麗朝參知門下府事麗亡隱於沙川縣紺岳山我太祖朝屢徵不出太祖知其不可屈因封沙川伯肅廟壬辰建祠當宁甲辰賜額旌節高祖褒直提學號知止堂中廟己卯後托盲不仕曾祖廷縉掌令祖懋副司直父景哲參奉公以萬曆乙亥生天姿忠厚簡重慷慨有志節宣祖朝中司馬筮仕主簿當昏朝歛跡退不復仕僑居昌平夢

仙山下絕意世途放跡湖山講究經旨及丙子亂公爲本邑舉義都有司奮袂而起曰至尊蒙塵臣子豈可坐視乎遍諭一鄉收得數百人與列邑有司急馳赴難路聞南漢危急益悲憤曰大丈夫不能衛君於難何面目立於覆幬間乎督旅至清州聞和事已成相與北向痛哭而歸自是杜門謝世自稱皇明徵士以竹扁其堂盖以自况也嘗讀魯連傳至新垣衍帝秦勵聲憤罵及至蹈東海而死擊節歎賞曰觀此忠義之心油然而生常與同志之人語及時事輒泫然流涕與諸弟嘗登夢

仙山忽北首痛哭遂賦詩曰漢南郭外腥塵蕪
萬曆山河此日殊時向北風悲淚灑羞看穢德御
中區 孝廟庚寅終于家

曹璩字子長昌寧人高麗大署丞謙後七代祖崇禮
入我 朝官郡守高祖世欽清河教授曾祖希仁
參奉祖光福 贈參議父弘立號數竹遊鄭松江
澈高霽峰敬命之門進士文科官牧使公以 萬
曆乙亥生壬子中司馬天性至孝常有愛君憂國
之心當甲子适變數竹公年老且病公即承親志
與進士李仲謙等倡義馳通列邑糾合同志師將

起聞賊平而止戊辰登文科官至博士及丙子亂
忼慨憂憤又奉數竹公命與進士吳以斗謀聚兵
糧見五賢檄文協力赴難道聞和事成齋恨而歸
歿于丁丑三月數竹公痛悼有義魂何在望歸來
之句

柳東紀字善卿文化人 端宗朝六臣忠景公誠源
從六代孫 中廟朝典翰號石軒沃玄孫石軒公
與金冲庵淨朴訥齋祥同上 慎妃復位疏疏既
成金朴二公以公有老親無兄弟遂於疏中強沒
公名而世稱封疏之地曰三印臺陶庵李公絳撰

碑豎臺前今 上戊申蒙 允合享三賢於淳昌
花山祠奉事溟子公生 萬曆庚寅世襲忠義之
風生有慷慨之志受業鄭畸庵弘溟丁卯中進士
丙子虜亂五賢倡義傳檄召募而以公爲都有司
公時在京公之子通判倪沫血奮起使弟儀奉母
夫人寓同福山中率家丁數十行收兵到清州聞
講和遂罷兵覲公於京公以忠孝與家子稱之戊
寅薦 拜參奉陞奉事子倪宇馨甫號遂初 萬
曆甲寅生舉義時年二十三癸巳登文科歷仕兵
禮佐郎屢歷通判清白自持家人不敢以一毫累

其德及其歸行裝淡然惟以書籍自隨壬子卒

玄績字公懋號皤翁星州人尚書星山君德秀後司
諫思義八世孫公生於 萬曆甲寅志節慷慨文
章早成受業畸庵鄭弘溟望重一世丁卯中司馬
一等丙子亂五賢方倡義旅傳檄一道公挺身奮
起收兵聚糧齊聲赴難聞講和痛哭而歸杜門廢
舉壬寅卒

梁千運字士亨號瀛洲系出耽羅縣監鼓巖子澂子
瀟灑處士山甫孫中 萬曆庚寅進士受業於牛
溪先生渾孝友純篤壬辰亂鼓巖公老病命公資

兵糧助高霽峰軍訣以父子同衷幽明協力之語
高公憫其無兄弟強使歸養 仁廟癸亥以篤行
除童蒙教官知司贍主簿丙子後杜門謝世

李重謙字德容號鏡塘水原人主簿光弼孫 萬曆
癸酉生事親至孝父母病劇斷指得蘇鄉黨稱其
至誠與鄭畸庵弘溟吳內翰希道相善戊午中司
馬當丙子亂以五賢倡義有司舉義赴難人稱其
忠勤前至清州聞媾成罷歸鄉里杜門講學甲申
終于家

安處恭字敬夫號西湖竹山人進士號月軒命山五
世孫參奉軸玄孫 萬曆丙子生性質純厚孝友
兼全鄭畸翁嘗曰安某力學至精中丙午司馬逮
丙子亂應五賢檄募聚兵糧剋期赴難聞講和而
歸作亭於后山湖水之陽不求聞達逍遙山水年
逾七旬而終

南以寧字幼安號龜巖宜寧人沙川伯乙珍後高祖
廷縉拜南臺掌令不就曾祖全直長祖景郁參奉
父恪將仕郎甲子适變爲募義都有司舉義公以
萬曆丙戌生能文章尤工於詩再中司馬一罷一
拔遂廢舉業專意學問及丙子亂以倡義都有司

募聚兵糧與列邑同志齊會礪山沫血赴難至清
州聞講和罷歸鄉里以講論吟咏自娛 孝宗朝
以壽進秩同中樞己酉終於家

吳以斗字建伯系出羅州羅城君自治五世孫內翰
希道長子生于 萬曆丙午天質果毅氣節慷慨
議論英發早負重望癸酉中生員當丙子虜亂與
曹博士璩發通隣近聚義兵數百收軍糧八十石
及見五賢義檄遂與合議同赴難與本道監司李
時昉再三往復論兵事進至清州聞和成與諸公
相向痛哭而返不求聞達以訓誨後學爲任隱居

行義齋志以終

光州

柳珥字和甫號松庵瑞山人高麗大承車達後八世
祖方澤恭讓朝密直副使麗亡隱於鷲嶺山不出
我 太祖朝以星紀失度累徵釐正乃以殷師陳
洪範之義膺是 命觀象監石刻天文圖是也冊
定曆一等功不受 除漢城判尹不拜還山設壇
日望故都杖淚瞻拜號琴軒立祠瑞山七世祖集
賢殿大提學文靖公伯濡號樗亭以道學淵源配
享琴軒書院祖泗號雪江以都承旨忤權奸黜爲

鍾城府使投綬歸鄉作浩歌亭逍遙以終享景烈
祠外祖卽林錦湖亨秀也公生於 萬曆丁丑幼
而英發及長氣度卓犖勇力過人與忠壯公金德
齡齊名早有求道志遊沙溪金先生長生門先生
許以鉅人長德母夫人嘗病甌要名醫診治醫知
難治逃去公涕泣披賢鑑自製藥以前置刀爐邊
焚香祝天曰此藥如無效吾當自刃果用得效金
先生聞而歎曰真出天孝當昏朝聞有廢母議公
歎曰三綱絕矣作願龔詩曰人之有耳本司聞胡
乃求龔欲不聞時事近來尤慘愴北風回首未堪

聞遂棄舉業與宋海狂濟民權石洲鞞嘯咏自娛
金先生贈詩曰子之高義可薄雲漢及改 玉賦
詩云天開地裂漢陽春得意魚龍共躍鱗野客不
知時事變山村猶作杜門人甲子赴舉中司馬是
年適變起公與一道名流募兵糧亂平所聚義穀
輸于營門當丁卯虜亂沙溪金先生爲兩湖號召
使以公爲召募有司公卽設義廳招集義旅扈
東宮於全州和成祗送 東宮于礪山而歸 朝
廷累薦 除 寢郎不就丙子聞變作詩曰撫劍
自憐衰病劇誰人能建濟時功又云望南漢日腸

丙子傳事金卷之二
十一
如裂拱北辰時淚滿巾投袂而起募義旅倡義五
賢知公幹局爲召募都有司兵糧旣具本州人推
以爲將遂領兵赴難借古將軍鄭地鉄衣長劔佩
服率子明翊進士官侍直至礪山與諸義兵會前到清
州聞南漢出城相向痛哭而歸絕意世事屏迹不
出語及丙子輒慨然泣下築室山阿書揭 大明
天地 崇禎日月八字以寓忠憤賦詩見志曰魯
連子在應歸海胡澹庵無孰爲陳竟使 王孫拜
仇虜主張和議是何人又云丁丑惟餘此一宵春
王正月在明朝 大明正朔尋無處悵望青天北

斗遙日與門生子侄講學以終世稱 大明處士
士林慕公節義脞享景烈祠

申淠字士混號靜友堂高靈人八世祖德隣號醇隱
禮儀判書實文閣大提學七世祖包翹號懶隱當
我 國初拜諫議侍郎不就六世祖檣號巖軒集
賢殿提學五世祖末舟號歸來亭大司諫 世祖
朝退休不仕曾祖公濟號伊溪吏曹判書錄清白
吏父教官應河教官公當壬辰亂與其子進士淞
進士水傍是字生員潔遇賊果川蹈刃罵賊抗節不屈
俱被害公適奉母夫人歸寧於外祖金百勺光州

任所獨得生常以家讎國耻寤寐腐心 除典艦
司別提不就公嘗曰未復父兄之讐則傳來臧獲
田地何忍收拾一切放棄放棄田至今稱別提坪
居家常自稱罪人草衣木食終身若居喪者鄉里
莫不稱孝丁卯虜變公以舉義都有司募義旅赴
難到全州聞講和扈送 鶴駕于礪山而歸丙子
胡變聞 御駕播越五賢發檄舉義公應檄而起
聚兵赴敵聞和議成痛哭而歸僻處山林以終士
林躋侑于宋海狂濟民祠宇自醇隱懶隱巖軒歸
來伊溪至公連六世俎豆

鄭敏求字景達號默齋瑞山人十代祖臣保浙江人
仕宋爲員外郎宋亡浮海至瑞州仍居焉九代祖
襄烈公仁卿十歲詠詩曰何日乾坤整重回趙氏
春忽憶先人墓淚隨春雨滴載三綱行實立祠瑞
山六代祖珣戶曹判書祖希廉校理父隲號東溪
學於竒高峰大升以文學著名公生于 嘉靖乙
丑夙承家訓遊沙溪金先生門不屑舉業事親至
孝壬辰亂聞 上幸龍濟告于親曰 至尊蒙塵
豈可在家以白衣辦金銀募義旅與縣監李公恠
扈從義州錄扈 聖功超拜兵曹屬郎轉至監察

丙子借義錄卷之二
光海朝棄官歸鄉 仁廟及正特 除比安縣監
甲子适變病未赴難送子主簿之白扈 駕公州
出靈光庄穀由海途運送亂平錄振武功賜鐵券
丁卯虜亂公募義赴號召使金先生陣聞 朝家
議媾寄書女婿李公浣曰嗟呼今日朝廷宋之秦
檜者幾人環東土數千里嗟無胡澹庵一疏也時
李公以工曹郎兼軍任領兵留江都和成祇送
東宮于礪山而歸聞姜虜拜漢城判尹耻與同朝
不就 徵道遙林壑時趙竹陰宰潭陽訪公於鷺
沙亭詠鄭公樗散出門稀之句題其尾曰殉身報

國公之自任若使公當健齋霽峰之地則亦將捨
生而殉節也明矣丙子冬南漢受圍李公時在正
方中軍所蠟丸中一札星火馳到二字缺急警之密
報而別封有月暈孤城危如一髮卿等何心越視
等語卽圍中密 旨也公讀罷投涕撫劔曰今日
之禍已萌於丁卯而丁卯之耻可雪於今日約僮
僕強力者爲軍出馬牛載糧馳到潭陽見五賢檄
沫血奮戈與諸公會礪山進至清州聞和成痛哭
曰國讐未報生亦何爲歸而賦詩云天地誰回正
月春紅羅九幅泣胡塵超然欲蹈魯連海和議圍

城幾箇人仍杜門謝世自稱 皇明遺民每當
皇朝及本 朝列聖諱辰則齋三日北向拜 神
毅兩皇帝諱辰則終宵痛哭至八耄而不怠每與
李公講磨北伐之計語及 皇朝所賜文字而其
中備言壬辰東征之恩及當時 中朝危迫之勢
且有縛虜以來則分天下封萬戶等語公嗚咽不
能語乙酉冬病甌戒子以勿用偽號誦家祭無忘
告乃翁之詩以寓深志終于龍山舊居

李德養字仲潤號梅軒全州人孝寧大君靖孝公補
八世孫全城君藪玄孫府尹楫曾孫展力校尉洛

子也公幼而穎悟長而清雋博學力行文章大振
節行高邁望重儒林丁卯登司馬當甲子迺變應
募義都有司與辛進士惟一等協心聚旅亂平而
止丁卯虜亂沙溪金先生爲兩湖號召使倡聲召
募以公爲募義有司與一鄉同志竭力募兵扈
東宮于全州聞和議已定祇送礪山而歸又當丙
子亂徵兵之 教自圍中下五賢倡義之檄交馳
一道公遂投袂奮起以本州都有司募聚兵糧督
旅至礪山道內諸義兵皆來會遂進次清州聞南
漢媾成與諸公相向慟哭而還謝絕世路杜門而

終豐山金右尹應祖文以祭公曰湖南多豪傑士
公其第一流

高傳立字君誨長興人孝烈公從厚長子忠烈公霽
峰先生敬命孫生於 萬曆丁亥孝烈公以復讐
將守晉州及城陷赴南江而歿遺骸未收公以此
爲至痛常以罪人自處着蔽陽子居側陋室能文
章終身不赴舉世稱南州高士丁卯虜亂沙溪金
先生以號召使募義旅公與鄉隣同志糾聚義兵
赴全州聞媾成祇送 東宮于礪山而還薦 除
慶基殿叅奉不就當丙子虜亂以舉義都有司收

募兵糧赴難至清州聞講和罷歸益韜晦丁丑終

高傳敏字務叔號灘陰長興人高祖雲已卯名賢刑

曹佐郎 贈禮曹參判號霞川曾祖生員仲英

中廟朝疏斥權奸廢舉以終號松雪亭祖敬祖牧
使號龜巖歷宰十二州廉謹自持父成厚益山郡
守 贈禮曹參議壬辰亂以都元帥權公慄從事
幸州之役有戰功錄宣武原從勲號竹村公幼而
秀異及長遊姜睡隱沅門文藝行誼爲世所重丁
卯虜變 御駕幸江都 東宮駐全州時沙溪金
先生爲兩湖號召使以再從叔靜軒公循厚爲本

州義將公任軍器與二從參奉傅立從弟傅弼及同志諸公收聚兵糧至完山聞和成扈東宮至礪山而還丙子冬虜騎又逼京上下教徵兵公聞命悲憤倡義五賢檄文亦來到公益激勵與一鄉義士募兵聚糧至清州聞南漢下城相向痛哭而歸杜門屏跡終老林泉

朴琮字子美竹山人吏曹判書文貞公元貞六世孫弘文修撰嶙孫禮賓寺正應鉉子早遊沙溪金先生門研窮經義雅尚氣節乙卯中司馬昏朝廢科自靖有詩曰南山有逸老回首笑公侯丁卯妾虜

之變公與一鄉同志倡義募兵凡聚軍糧修戎器多出公方略一行諸軍依以爲重推公爲文書都有司一鄉義兵期會于全州聞講和扈東宮祗送於礪山而歸丙子亂應五賢檄與諸義士募聚兵糧赴難至清州聞和成痛哭而歸公長於詩禮之家忠孝之心老而彌篤克紹家法終老于家自號丹丘子

朴忠廉字孝源號鏡巖咸陽人侍講院輔德以寬玄孫遊表叔孝烈公高從厚門公甚器重庚戌中司馬文章節行望重一世畸庵鄭弘溟薦授顯

陵參奉不就甲子適亂以召募都有司募兵穀賊平而止丁卯亂號召使沙溪金先生以公為召募有司扈東宮全州聞講和祇送礪山當丙子亂應檄而起募兵聚糧與同志諸公誓死赴難聞媾成罷歸鄉里杜門以終

朴忠挺字秀夫順天人麗朝檢校參贊議政府事可興後我朝平陽府院君文肅公錫命七世孫父彥瑊參議公生於萬曆戊申自幼儼若成人八歲就外傳一日迅雷大作眾皆驚惶公獨安坐不變文才日就所作往往膾炙年纔十六中鄉解十

九又中鄉解貫三場二十中司馬兩試當丙子虜亂見倡義五賢檄文與一邑同志召募兵糧剋期都會于礪山行到清州聞江都失守和議已成與諸公北向痛哭而歸杜門謝世絕意舉業專用力於學嘗輓申進士詩曰崇德紀年能識未安埋地下可長歌其慷慨之見於詩如此常取經傳性理之書沉潛講究味眾人之所不味如朱子節要近思錄等書積年研究皆手着口訣以遺子弟又謂季子承旨致道曰凡人讀書必反之身心方有益不然平生讀書終未免愚騃人甚可戒也性至孝

丙子傳事錄卷之二
事父母以誠其有不安節衣不解帶適出他強盜
夜入家公之考遇害公以不及冒刃爲至痛晝夜
泣血六載跟尋竟得讐賊盡誅其黨遠近聞者莫
不嗟歎自遭變以來謝絕人事不出門外未嘗舉
顏對人丁內憂居喪一遵禮制每當祀事雖冬月
必沐浴及其病革遺戒襲歛當用布素垂盡之際
揮婦人勿近遂奄然長逝是年五十 崇禎後丁
酉也嘉樂堂柳公泰翊輓公詩曰譬猶滄海珠其
質約而文譬猶崑山玉其姿清且溫又曰自處實
若虛吾知心德尊自持能若拙吾知謙德敦詞章

乃緒餘名聲非所好鄭畸菴弘溟嘗稱道其文章
節義曹九峰焜曰南中高士以名節自守者有李
獻納起淳兄弟李修撰壽仁林佐郎埴朴進士忠
挺纔數人耳金南浦萬英聞公之子致道參進士
書諸日記曰致道故進士忠挺之子忠挺之父爲
強盜所害忠挺晝夜跟尋大戮其類痛父非命取
其父出息資財文券焚之終身不赴科試杜門罕
出鄉里鮮見其面其爲父報讐三年伺察從頌盡
道至於如此焚券廢科杜絕榮利痛不能救其父
於亂賊之手終身引罪閉門囚跡其篤於誠孝可

尚也已其子致道少年參庠而其才也人將期於遠大或者忠挺孝行之報應云公之節義誠孝見稱於當世之文章碩士蓋如此趾齋閔相公鎮厚撰行錄鄉人建祠真泉

朴昌禹字拜言順天人平陽府院君 贈議政府右贊成文肅公錫命八世孫同知敦寧府事叔善六世孫縣監義孫玄孫生 萬曆庚子自少孝友出天清儉自持文藝氣節爲世所推登 天啓甲子司馬丙子虜亂南漢被圍見五賢檄與一鄉同志募兵聚糧行至清州聞和成罷歸遂絕意舉業號

七拙翁自作七拙記其末略曰翁之以拙自號盖有心焉困敦之尻言之殞心澁灘之事思之流涕文明大地淪於腥羶而匪風下泉之詩時自謾吟而已醉歌出師之表只自復想而已春秋之書誦讀無地則七拙之號自道翁之懷而自誌其過也烏不宜哉客亦愀然撫劔曰翁之不以愚自號不以蒙自號而以拙自號者始可知也其非蹈海之義歟天地氣數亦可謂旺於古而拙於今也則翁之拙天之所使也雖有激慨於俯仰而其於天何於此可見公慷慨激切之志矣

李鼎泰字公寶號野隱永川人麗季大提學釋之號南谷之後直提學安直八世孫副提學宗儉號雙溪七世孫也公生有異質才行端正早遊畸庵鄭公門畸庵甚器重之以其兄之子妻之當丁卯虜亂沙溪金先生爲兩湖號召使倡義旅以公爲募義有司與一鄉同志竭力召募扈鶴駕于全州聞講和祇送於礪山而歸是秋中司馬兩試筮仕別提丙子亂聞上在圍中不勝憤激卽見五賢義檄益激勵以本州召募都有司與倡義諸公協心糾旅至礪山道內諸義兵皆來會遂進兵至清

州聞和事已成與諸公相向痛哭而歸絕意世芬杜門以終士林立祠

李鼎新字燮之號默隱永川人麗朝大提學釋之號南谷之後野隱鼎泰之從弟也早以文章氣節稱丁巳中司馬時賊臣爾瞻輩幽廢母后公遂不應榜而歸無意當世因廢舉業甲子迺變以募義有司召募兵糧賊平乃止當丙子亂聞南漢受圍且見徵兵之教憤勵不已五賢義檄亦到以公爲本州義兵都有司公慨然應檄募兵聚糧至礪山與道內諸義士齊到清州聞和事已成與諸公

相向痛哭而歸益韜晦不出高晴沙用厚製其集序尤庵宋先生時烈累薦竟不起以終士林立祠朴晉彬字文益號禿翁竹山人吏曹判書文正公元貞八世孫壬辰亂白衣扈從平市直長竹林處士環孫進士琮從孫也公生忠烈之門天性穎悟甫三歲能知文字直長公嘗指飛鴻曰彼似何物公對曰如十字形聞者奇之及長文學日進孝友純至人無間言當丙子亂南漢被圍哀痛之教下公悲憤激勵見五賢倡義之檄投袂而起以募義都有司召聚兵糧與一鄉義士糾旅至礪山道內

義兵皆來會赴難至清州聞江都失守南漢出城不勝憤惋與諸公相向痛哭而還廢科業固守幽貞以布衣終于家

奇義獻字士直號棄隱幸州人殷師之後六世祖虔世宗朝以布衣擢拜持平歷大司憲至判中樞錄清白光廟朝便托疾休官世稱生六臣之類謚貞武高祖禛副應教贈吏曹叅判曾祖進服齋遵之兄叅奉贈左贊成德城君己卯禍後廢科隱居號勿齋祖大臨高峰大升之兄叅奉贈左承旨父孝芬司果贈叅議以萬曆丁亥生公

天姿樂易喜怒不形於色早失怙恃長於季父家
 不屑舉業專事性理之學貞武公有沉潛經學之
 工手抄周易啓蒙傳之服齋服齋傳之高峰高峰
 多所發明三傳而至公以家庭之學間亦竊付己
 意作十卷帙以爲傳家之道昏朝時趨付成風鄉
 曲闢茸之徒亦能取第登仕南內翰省身勸公以
 曲徑取科又勸往見時宰公聽若無聞焉當丁卯
 虜亂沙溪金先生爲號召使公以糧餉都有司募
 聚義糧馳赴全州講和後扈東宮祇送礪山而
 歸丙子冬胡兵猝至公聞變憤惋徵兵之教五

賢之檄飛傳道內又以募義都有司投袂奮起募
 旅聚糧輸送義廳且召且募馳赴清州聞媾成相
 向慟哭而返韜光鏹跡慷慨之懷常發於外嘗夢
 中有詩日子丑年間時大難 聖君車駕向何之
 莫言今日身無用百發烏號手自持以六吾名其
 齋作銘以寓己意窮理盡性爲末年歸宿之地時
 牛山安邦俊著書短吉冶隱再出處公貽書下其
 謬見見者以公之書爲至論鄉隣之爭訟者或就
 求直聞公之言則終不卞官世皆稱南州大老癸
 巳終于家

丙子傳義錄卷之二
本州牧權濬字道甫安東人是亂發州兵付藩閫
聞鄉儒之倡義貽書嘉獎以官需百斛箭竹二百
部助之勸鄭弘溟應召募使責體府從事時列邑
宰爲保妻子計而公慷慨樹立激父老以義收散
卒以令亂民知畏倉庾得全州人立碑記惠

南平

崔身獻字士泌號懶齋江華人平章事瑾後高祖潤
亨參奉燕山朝忿宮監擅權以靴蹴頂號楓丘鄉
人議立祠祖命順正字號東溪二子兩孫連世登
科邑人名其居曰掛鼓亭父星望監察號魯谷公

生于萬曆庚寅光海朝赴會圍見時事大非抱
券徑歸路逢一丈人略述己意仁廟甲子延平
李公貴訪公邸舍乃前日丈人也執手歎曰勇於
進退真烈士也是年登科官至佐郎未幾值逆變
扈駕公州丁卯聞大駕幸江都雪涕潛邁沙
溪金先生舉公召募丙子亂與同志應檄而起募
集兵糧向礪山監司李公時昉見公權甚曰此乃
臣子效死之日仍推公爲副從事進軍至清州聞
講和與諸公痛哭而還觴詠自遣酒酣常讀出師
表哽咽不成聲叔父掌令時望壬辰亂爲義將扈

駕錄勲從兄主簿希立罵賊殉節公之赴難蓋得
於家庭世稱崔氏一門三忠公以興起儒化爲任
白休菴仁傑嘗宰本縣公慕其節義道學求財立
廟爲學者講修之所乙巳終于家

徐晉明字聖求號龍城利川人麗朝名臣章威公熙
後 贈吏曹判書孝堂六代孫也公生而器宇嶷
然精神洒落事親至孝接物恭恪閱老峰鼎重以
御史薦公至行 賜米肉年二十七中司馬丙子
大駕入南漢哀痛 教文自園中出慷慨飲泣見
五賢起義檄奮袂而起傾財募軍與徐苻諸公赴

難聞講和慟哭而歸自是絕意世事經學自任赴
義時有詩曰南漢山中 聖主困遐方臣子淚沾
巾何時蕩滌凶胡醜稽首三三拜北辰亂後又迷
懷曰自擬少年橫絕漠那知今日老窮閭空彈手
下雙龍劍虛負胸中萬卷書與人詩曰東海愧無
蹈灰者強携杯酒慰殘喉 孝廟戊戌以行誼薦
除參奉而歿後三日 恩旨到門子孫以非行職
不書銘焉鄉人立祠有子鳳翎克趾厥美以學行
薦 除參奉

徐苻字而澤號龍岳利川人 贈判書孝堂五代孫

縣監祥玄孫也從祖挺厚壬辰亂爲倡義使金公
千鎰從事官立懂晉州公以家庭忠孝文藝行誼
見稱當世除厚陵參奉當丙子亂與曹進士
守誠舉義召募又見五賢倡義檄益奮勵傾家財
募義旅與曹公同會礪山到清州聞媾成痛哭而
歸杜門廢舉婆婆林泉以終

尹儉字子郁號藍川坡平人吏曹判書佐命功臣坡
平君 贈領議政昭靖公坤八世孫吏曹參議鈴
川府院君 贈右議政垠六世孫原從功臣司饗
院直長廷勳子也公生有異質神采端俊壬辰亂

父直長公扈 駕入龍濟公甫九歲將母避賊盡
心衛護儼若成人及長志氣倜儻不屑科臼惟事
性理之學每語親朋曰忠孝吾家青氈也丙子虜
變公與同志募兵聚粟爲勤 王計時五賢傳檄
公憤激而起家人泣訣公罵曰 主上蒙塵臣子
當歿於死所安用泣訣與子詩曰死國臣分宜承
家子職宜所懷雙親在努力奉養宜赴難路聞講
和相向痛哭公奮筆書之曰未從東海死忍戴北
燕天捲甲南歸路相看雪涕連還鄉杜門不出以
養親爲職及遭內外艱六年廬墓羣從同室以孝

丙子傳事錄卷之二
友屢被繡薦再入銓剡蔭補忠義衛構亭藍川上
題壁曰 萬曆山河 崇禎日月有時悲歌慷慨
以寓匪風之懷及聞三學士不返贈詩吳以斗曰
昔聞一文山今有三文山憤憤東土士嗚呼幾文
山或有說丙子事者輒揮涕止之愀然看南山而
已生于 萬曆甲申卒于辛卯

洪南甲字斗元豐山人都僉議舍人號洪崖侃後也
曾祖漢義生員叅奉祖澄以學行 贈叅議父民
聖司宰僉正公生于 萬曆辛巳幼而俊異疑如
成人壬辰亂奉母避賊山藪賊至將加刃輒以身

蔽乞親命賊奇而釋之僉正公與從叔王簿民彥
協謀舉義欲與重峰趙先生憲合勢赴難至蘆嶺
聞先生戰歿三日痛哭矢歿赴敵虜獲之功甚多
公以妙齡常懷忠憤欲繼諸父志丁酉更謀義舉
是年亂定乃已壬子中司馬遊國庠戊午以後見
倫紀日乖抗章未徹癸亥改 玉薦授齋郎不就
丙子亂僉正公聞南漢之報北望號痛携諸子欲
赴國難公泣曰與其視老父之殉身曷若以子代
命且 君父之急而不赴則於何得歿所乎遂杖
劔而出與崔身獻諸人募兵聚粟爲勤 王計聞

丙子傳事錄卷之二
奉教梁公曼容參奉柳公珩從光羅起兵而旋見
梁公與李公興淳諸公發檄遍諭公遂應檄而赴
會兵礪山至清州聞和議成釋甲痛哭而還經籍
自娛碧亭其號也嘗構一疏請罪主和諸臣勿用
順治年號以病未達而卒疏本藏于家

綾州

梁悌容字汝恭號七松系出耽羅已卯名賢弘文校
理 贈吏曹參判學圃彭孫曾孫祖應畢行誼高
潔懲於已卯禍終身不赴舉 朝廷薦授 寢郎
不就以處士終焉父山旭承先志不屑科宦以文

行 除禮賓寺奉事公生於 萬曆己丑幼而穎
達及長志節高尚與伯氏孝容講究學問視科日
若浼也及丙子亂再從弟前翰林曼容與李玉果
興淳諸公傳檄道內起義赴難任公募義公慷慨
奮勵即日遍一鄉諭以君臣大義言淚俱發人莫
不感激響應與鄉人同志聚兵至礪山諸義兵皆
會合勢進次清州聞和議成痛哭而歸是時風雪
酷烈而公日夜召募盡悴成疾竟以是年終計聞
同事諸公咸惜其才行而悲其苦節

朱曄字晦之號孤松綾州人麗朝文節公悅後弘文

正字興得七世孫參奉勝同五世孫直長道南子也公生於萬曆丙申天性孝友清儉器宇卓異文章著名當世慷慨有氣節受業于牛山安先生邦俊先生許以高弟癸酉中生員丙子遊太學冬丁北虜之亂公欲陪聖廟位板入江華爲掌務官李櫓所阻仍南歸從安先生倡義歸覲直長公公曰吾當死境汝雖獨子國事至此臣當效死今日之行死得其所吾復何恨時同郡長老魏公弘源遺書曰君以獨子何可離親赴難公謝曰國事如是不可以恩蔽義且親命也卽應檄募義與

李雲巖梁據梧諸公會于礪山到清州聞已媾成痛哭而歸謝絕世事逍遙里社戊寅卒

文仁克字榮叔南平人高麗平章事忠肅公克謙後十二代祖平章事益漸文章學行與鄭圃隱齊名本朝贈議政府事封江城君謚忠宣號三憂堂立祠兩南十世祖和都承旨曾祖士元以孝行除靖陵叅奉公生于萬曆戊子稟性英異志操慷慨常以忠孝節義爲己任訓誨子姪爲樂事辛酉丁父憂癸亥遭內艱六年啜粥廬墓或自外乘夕歸廬鬼火輒前導時稱文孝子屢入鄉薦當

丙子亂見五賢檄擊劔奮然而起曰是吾志也召
募同志收聚軍糧與和順曹叅奉守誠諸公同赴
礪山至清州聞講和慟哭而歸自此無意世事構
草庵於白巖清溪之間自號巖溪杜門以終享年
五十八

魏弘源字子潤

前名弘遠

號聽溪懷州人縣監天佑子叅

議德懿再從弟也公生於

萬曆丙辰與弟長源

俱稱神童甫弱冠并以文藝鳴於世天性至孝丁
內外艱六年廬墓哀毀踰禮丙子弟長源歿未葬
胡變猝起五賢倡義傳檄起兵公以有司召募義

旅剋期奮發訣子遺詩曰爲人臣子愛君親忠孝
隨時可許身此去歿生兒莫問一心惟望掃胡塵
臨行文以祭弟曰惟吾與汝罪逆深重連遭巨創
纔除服汝何訣世而北虜之變又爲荐臻於此耶
忠義奮發倫情抑鬱報主之日促葬弟之心緩因
讀張子房不葬弟求惟秦之書負劔長呼而出汝
亦生時忠義不泯於歿後則其或佑余於冥冥之
中乎告捷西京返 駕南漢然後歸葬汝骸則余
果無恨於世而汝亦不憾於地下矣馳赴義陣至
清州聞講和作詩曰主辱臣歿宜時違我可已忽

丙子倡義錄卷之二
然叫向天葵露抱殘晷痛哭而歸絕意赴舉遜跡
溪山乙卯終于家其臨歿詩云六出奇師虛負漢
三呼靈魄獨過河未終聯句而逝

和順

曹守誠字孝伯號清江昌寧人新羅真平王駙馬昌
城府院君繼龍後八代祖敏修麗季左侍中以左
部都統策勳荒山捷封昌寧府院君六世祖恰我
太宗朝兵曹判書以定策佐命功臣封玉川君謚
恭僖父閔中 宣廟朝徵士嘗宰鴻山邑民追思
立生祠公生于 隆慶庚午姿品灑落踐履篤實

甫弱冠坐季父詩禍被逮及蒙 宥洛中士大夫
咸見而器之丁酉亂陪母夫人入海遇颶舟幾覆
號泣禱天風止人稱孝感丙午以先考遺命赴鄉
解中生員自己卯後小學爲世所諱公信之深愛
之篤自少至老未嘗釋手自稱小學童子光海戊
午孽臣爾瞻輩首發 西宮之議鄉徒多望風旨
設凶疏會少有立異者輒以禍機恐喝之時李白
沙恒福鄭桐溪蘊諸賢皆相繼竄逐朝野震懼莫
敢誰何凶疏通文輪到公家公毅然憤怒曰此無
倫之世也裂其文杖其使聞者莫不聳懼丙子亂

聞 大駕播越卽與從侄進士焯及鄉人崔鳴海
林時泰兄弟及柳涵諸公設義兵廳傳檄隣邑各
付有司募聚兵糧器械剋期赴難地主柳萱歎草
野如是食祿者可愧時雲巖李公興淳兄弟據梧
梁公曼容砭齋崔公蘊白石柳公楫義檄又到以
公付和順募義都有司公曰吾已倡此舉而此檄
又至何不謀而同也兵糧旣備領兵到礪山與諸
義將合勢至清州西平原聞虜游騎逼在山谷間
軍情洶洶李起淳梁曼容往覘之公率勁卒五十
躡其後見李公被圍遂與梁公合力奮戰斬首九

級獲其兵器而還諸公設勝樂相賀公笑曰師出
二十餘日得此九級何損於賊何益於 國家更
進兵三十里聞和事已成罷遣義旅痛哭而歸遂
杜門不出韜光鏟跡宅邊有小江每道遙吟咏以
寓風泉感慨之思嘗有詩曰東海未投足南湖謾
濯纓安將此江水洗得天下清完南李公厚源掌
銓薦公 除 獻陵叅奉不就其後閔老峰昂重
繡衣時以讀書守靜 啓于朝屢有臺閣之薦鄭
東里世規屢貽書勸起終不應後洪北汀處亮宰
光州聞公歿操文來哭曰尊周之炳義出處之大

節今世唯曹清江一人而已比之陶靖節謝疊山
享年七十五配享櫟亭恭僖公祠宇

曹焯字晦而號九峰昌寧人麗季左侍中敏修九世
孫本 朝判尹璘八世孫兵曹判書恰七世孫曾
祖世明叅奉祖景中歷兩銓郎典三郡益山郡有
清德碑父守訓通德郎公生于 萬曆庚子賦性
仁孝稟質寬弘甫成童德器成就甲子中司馬文
章行誼爲世推服嘗受柳眉巖希春所撰儒先錄
於從叔清江公守誠專心性理之學安牛山邦俊
每稱暫時相對令人起敬金慎齋集一見亦稱篤

學君子公處家雖盛夏必束帶整冠居處飲食常
誠侈泰子弟搆數間書室專攻舉業公書彼焉能
陶鑄人六字粘之壁又書君子言行動天地等語
蓋誠其專意舉業也逮丙子金兵猝至 御駕播
遷公聞變不勝憤惋十二月二十五日與從叔清
江公方朝食見 行宮徵兵教公慨然流涕清江
公曰吾家世受 國恩報效無地 國危如此願
倡一隊義旅死於 王事君肯從我乎公拜曰微
叔之言姪方欲請叔言先獲敢不從教然 國勢
甚急不可時刻遲滯即日馳往邑中設舉義廳於

客舍門外共誓殉 國傳檄隣邑且諭一鄉出家
僮傾家財措辦軍需晝則點軍夜則讀兵地主柳
萱歎曰草野忠憤若是食祿者愧忸以軍丁三十
名糧米二十石弓箭槍干助之遠近響附者亦多
時五賢義檄來到以公及清江公林時泰崔鳴海
付募義都有司公卽署名翌曉送同志于五賢義
陣約會兵之期乃督旅至全州李興淳來見曰軍
容之整齊兵法之練熟不圖若是公先至礪山與
諸義將合兵前到清州賊之游騎多在山谷軍情
洶洶恐有埋伏不敢輕進諸將曰以烏合之卒輕

犯凶鋒殆同塊肉投虎不如多張旗幟金鼓相聞
以爲疑兵或曰賊必以重兵先絕衝要以遏三南
援兵輕進易敗不如移陣據險斥候以進公與清
江公言于諸將曰兵以義名畏死逗遛不可使聞
於他將當從間道直抵南漢諸將從其計翌日諸
將募覘賊勢無應者李起淳梁曼容挺身馳往公
與清江公率勁卒躡其後李起淳爲賊所圍事甚
蒼黃公與清江公梁曼容奮力衝進斬賊九級更
進五十里聞城下之報叔姪與諸將相向痛哭仍
罷兵而歸遂絕意世事隱居九峰山下不毀之年

丁母夫人憂卜葬於梅花嶺下啜粥廬墓因結廬
數間終老嘗詠燕京白盆菊曰托根盆斛殿春榮
避地宜看草木情海內煙霞非故國爲憐名帶舊
燕京其他尋常吟詠輒寓風泉之思 仁廟戊寅
秋 朝家初設亂後科和順爲試邑吳正字添慶
要與同入場中公辭不赴因語子姪曰今吾廢科
非有他故與人爭名非心所樂亂後廢舉恐觸時
諱但汝輩隨時俯仰免父於一世譏謗也益韜晦
息交李興淳兄弟出處相類競相慕仰緣地邈遠
久不相面逢人輒問公起居狀論南中士常稱公

曰真義士也金慎齋欽公節行其從子滄洲益熙
判銓時使之舉望而未果人皆惜之李白江敬輿
判銓時入齋郎望安牛山語人曰居今之世不知
薦主姓名惟曹煇一人 孝廟壬辰閱老峰以繡
衣薦于 朝除繕工監監役不就鄉人勸之仕公
答曰吾家官啣皆 皇明年號至於吾身乃見僞
號終不起鄭東里世規蔡員外振後累書勸起亦
不應嘗語子姪曰真西山大學衍義功用與資治
通鑑綱目等書相爲表裏而其次第節目尤切於
格致工夫學者不可不熟加講習手抄最要於治

道者為一冊名曰西山筆義又曰朱子綱目萬古
經世書也亦學者第一用工處遂抄綱目為五卷
名曰綱目要編卷末書戊寅正月實 崇禎十一
年修綱目始此甲申六月日絕筆又書古詩醉後
獨知殷甲子病中猶作晉春秋一絕以寄意自丙
子後謝世遜跡三十年卒于乙巳後人題其墓曰
大明處士配享櫟亭恭僖公祠宇

林時泰字子亨號玉林淳昌人十代祖征東省贊成
事淳昌君仲沈九代祖高麗忠臣太學生先味號
杜門齋 英廟辛未以 御製御筆豎碑遺墟遣

禮官致祭 當宁癸卯建祠松京 賜額表節父

通德郎塾公生於 萬曆庚寅甫八歲當父病齧
指灌血於口得效當母病又然人稱其孝及入學
讀至求忠臣於孝子之門舉扇擊案扇柄盡碎嘗
書忠孝二字遍附四壁有人贈以瀟湘八景笑辭
曰無空壁可附處不受居常見忠臣義士之傳則
輒慨然興感潛心經傳不屑舉業逮丙子亂聞
大駕播越奮然磨劍曰吾有死所與曹公守誠曹
公燒崔公鳴海及伯兄時啓仲弟時敏從弟時儁
時慶三從弟時益募義旅各出軍需將赴難五賢

檄文來到以公及曹公崔公四人爲募義都有司
公謂諸公曰 國危日急不可遲滯而顧此所聚
軍兵都是鋤耰白丁不知操弓乘馬操練數日稍
知方向然後乃可倍道兼進又自草軍中約束八
條條約載曹清江軍中日記以示之義廳諸公莫不稱善公辭
謝曰此皆古人糟粕非我創出也使之曉諭軍中
引兵至全州駐西門外李公興淳來見相與叙話
論兵事終夜不輟李公嗟歎不已前到清州聞和
事已成痛哭罷兵而歸隱居玉林洞以終享年八
十三壽秩陞通政

崔鳴海字巨源號三湖海州人文憲公冲後曾祖慶
雲進士號三川壬辰亂勸季弟忠毅公慶會墨縵
舉義及聞晉州殉節之報又使仲弟繼義兵將
贈都承旨慶長奔問 行在繼起義旅公自率義
兵拒守烏城山丁酉賊徒猝至被執脅降公罵賊
不屈死祖持平弘載號竹隱壬辰從季父忠毅公
倡義以招諭使承 命赴開城府光海朝以言官
抗疏遂被黜卒于蔚山謫所父宣教郎光憲亦以
行誼聞於鄉公世襲忠孝自少有志節每讀書見
忠孝事蹟未嘗不擊節歎賞丙子亂與曹公守誠

曹公焜林公時泰奮然倡義同盟并力收聚兵糧
 辦備軍械傳檄隣邑將以刻期赴難時五賢義檄
 來到以公及曹林三公付募義有司四公相語曰
 吾儕四人已倡此舉而此檄又至何不謀而同也
 公即馳赴全州告會兵之期陳治兵方略諸公莫
 不歎賞還本縣與同事諸公趣兵會礪山至清州
 聞已和成慟哭而歸遂絕意世事杜門讀書洪沂
 川命夏甚敬重之曰南中師表有薦引之意公抵
 書牢却終身不復見蔭資通德郎生於 萬曆丁
 未終於 孝廟庚寅

同福

金宗智字國寶光山人文肅公周鼎十二世孫工曹
 判書信佐八世孫生員廷彦曾孫處士慶成子也
 公生於 萬曆癸未稟性剛毅早承庭訓孝友文
 行著稱當世及丙子亂見五賢義檄與鄉隣同志
 奮義赴難至清州聞媾成痛哭而歸仍廢舉業道
 遙林泉卒于戊子
 丁之雋字子雄號赤松昌原人麗朝右侍中昌原君
 寬十世孫兵部尚書昌陵君元景九世孫判決事
 仁禮八世孫祖進士巖壽號滄浪壬辰從高霽峰

敬命舉義錦山之役以病未及一日而得全常以爲主恨以孝行旌閭尤庵宋先生時烈追撰孝行誌父主簿有成以倭亂時給餉功 贈工曹叅議公生於 萬曆壬辰孝友忠信卓犖寬毅晚年從遊於尤庵先生先生每以忠孝傳家稱焉當丙子亂五賢移檄倡義以公爲本縣募義之任公應檄赴會衆多難之公憤激曰 君父方罹禍亂此豈臣子愛軀命之時乎遂總本縣軍籍盡載家中資糧趁期赴難其時募義廳報牒皆公之爲也糾率義軍都會礪山馳至清州聞講和北向痛哭而歸

仍廢科業築喚鶴亭降仙臺於赤壁江上逍遙其中人稱赤壁主人 大書 崇禎江山 大明日月八字於亭上漁釣湖山寄傲詩酒以篤孝悌居仁服義累入剡薦終無仕宦之意 顯廟癸卯以布衣終焉道內章甫屢請褒其忠孝

河潤九字汝沃晉陽人號錦沙晉州府院君元正公楫後八世祖潔文科大司諫七世祖襟以學行官參議曾祖漢進士祖彥湜參奉父大豹參軍以至孝稱於世壬辰倭亂勤 王龍濟運糧有勞天將賞馬 宣廟褒爵公生 隆慶庚午天姿卓犖氣

宇端嚴自幼好學不煩教督文章夙成弱冠從寒
岡鄭文穆述月沙李文忠廷龜學深被獎許庚戌
中進士與澤堂李公植白洲李公明漢為同年知
已交居泮時羣兒倡廢母議攻李完平公作詩
斥之曰母子大人倫猶天有日月日月有時更人
倫終不缺矧是完平君宋家司馬匹三復劄中辭
自然淚灑筆仁廟癸酉文科拜栗峰察訪陞典
籍丙子北虜猝至大駕入南漢公有詩曰靈臺
仙仗漢山行六出花霑五彩榮北馬晨侵元聖域
東都風沒小華名揚鑣驚國疽將發覽鏡憂時淚

自盈王旅何時平朔野乾坤大義日月明及見
五賢義檄奮起倡率義旅到清州聞南漢下城痛
哭而歸有詩曰杜陵謾倚崆峒岫諸葛空揮羽扇
風北望秦天消息絕暮年勲業淚青幢聞世子
北行有詩曰關河笛裏三年月憔悴咸陽一布衣
白雪窻前梅落盡欲將香蘂獻青幃公自此無
復當世意遂隱居福川之錦沙因以名亭優遊終
老癸未上敬天勤民疏又上疏請修德任賢以答
天譴上嘉納命加資級丙戌終于家遺戒于孫
曰丁丑以後吾絕意仕宦者神京淪沒海內腥羶

誓不與彼虜共戴天日為吾子孫者勿以科宦為
 心讀書勤業以待皇州之廓清也有文集藏于家
 丁好敏字士明昌原人昌原君寬十世孫掌樂判事
 孟德七世孫生員孝致六世孫文科世烈玄孫進
 士鳳曾孫也公生於 萬曆戊戌姿稟純粹博學
 多識事親以孝親歿廬墓祭祀以禮朔望必薦乙
 酉中生員丙子亂見五賢檄與族兄之雋同聲倡
 義至清州聞講和揮涕罷歸謝絕世事逍遙白鵝
 山下以終老丙申卒

樂安

李淳 事實不傳

柳瀉 事實不傳

李純一字誠之號北窻光山人左僕射珣白後 英
 廟名臣藝文提學慶昌君先齊五世孫也父灌有
 學行風節逮己丑謫北關壬辰蒙放途遇倭被害
 時公甫七齡哀毀若成人丁酉再亂公奉母避賊
 出入死生敬養勤備見者稱歎及長母病劇禱先
 靈得效其孝感如是以父死北地雖隆冬不閉北
 窻以終人稱北窻先生公常以罪人自處不事舉
 業惟以書籍自娛日誦小學及北征篇愛日歌等

書未嘗暫廢甲子適變公糾合義旅以助官軍又聚義糧運致京倉難平酬功公讓與他人又丙子雪涕露寢曰主上蒙塵吾雖草野賤蹤豈忍室處安居乎遂與李淳柳瀉應五賢檄倡義會兵于公門外有一吏違慢軍令公拔佩刀厲聲大叱曰當此危急之際君臣大義不可以尊卑貴賤有間汝何敢如是因慷慨泣下觀者莫不聳懼感服應募者衆遂奮臂赴難到清州聞大駕出城齋恨以還公天性篤孝多慷慨每見忠臣烈士致命立節之事必感憤嗚咽常曰讀文文山陸秀夫傳而

不太息流涕者非人情嘗過李忠武公舜臣旌忠碑下馬再拜吟成一絕曰南柱千年石威風萬古長停騫一下拜感淚爲滂滂邑宰累以公行誼聞於朝不報戊戌終于家享年七十二

興陽

丁運隆字而會系出靈光麗朝歿節臣靈城君贊後七代祖克仁號不憂軒莊憲朝中司馬居泮時妖僧恣行佛法屢抗疏極斥文廟朝登薦科官正言成宗朝致仕上遣禮曹判書李承召供帳都門外送之人謂疏廣後一人膺享泰仁武城

丙子傳事錄卷之二
四十一
書院 肅廟朝 賜額致祭父監察浩公生而卓
犖文章氣節爲當世推仰孝友出天兄孤舟公運
熙相敬如友寢興必偕尚論古今義理明白丁酉
倭亂與孤舟公將舉義討賊草檄諭列邑守宰士
民收集兵糧器械賊牒得其檄文懸金購之事遂
未集常以憤恨後以蔭 除判官及丙子見五賢
義檄奮起與諸公勤 王臨發謂家人曰爲國一
死男兒大義吾今得死所矣領兵至清州聞講和
罷歸因奮激曰秦帝而魯連蹈海殷亡而夷齊餓
死男兒生而不能爲國效節雖生亦何爲哉古人

有願死爲厲鬼以滅賊惟願速死以從張巡之鬼
作詩曰寸心能死國隻手奈擎天匪風詩在案讀
罷淚沾巾自是杜門謝世語及丙子輒廢食慷慨
生于 萬曆乙亥卒于 仁廟戊子

宋裕問字問甫號漁隱南陽人南陽君琛後監察世
忠玄孫縣監安曾孫也父忠順衛琦公器宇宏豁
行誼敦重能文章累中鄉解 萬曆丁酉亂爲本
邑守城將勒兵嚴防倭賊不得抄掠收捧邑中稅
米運納龍濟 行在所特蒙嘉獎及丙子 大駕
入南漢國勢蒼黃見五賢倡義檄沫血揮泣率義

旅到清州聞和成北向再拜慟哭罷歸其後歛跡
鄉曲終身杜門志在漁釣賦詩見志曰舉目山河
悲義士投身水石老漁翁功名富貴非吾願心耻
尊秦卧海東又云事親宜盡孝奉國亦當忠嗟我
俱無及江湖恨不窮公篤於孝友晨昏之節温清
之養無違承順及其罹憂率禮無愆友愛篤至兄
弟五人夜則同被晝則同案尤致工性理之書扁
堂以五友至今傳之鄉黨薦公忠孝公適知而止
曰臣之爲國子之奉親自是常理何褒之有自是
聲望益重

丁煥字子章靈光人靈城君 贈領議政贊後享在
山書院八代祖克仁號不憂軒曾祖傑兵使氣宇
卓犖風儀森嚴嘗爲宣傳官廳中蕭然時稱虎宣
傳壬辰亂爲忠清水使都元帥權慄幸州之戰方
憂矢盡公載箭一船輸至軍中因是大捷陞爲全
羅道防禦使與李舜臣議兵事舜臣甚敬重之又
作戰船板屋及火箭鐵翼箭大銃筩等軍器屢立
戰功斬獲無數倭震怖呼名以相戒平生不事權
貴故不叅勳券時論惜之 英廟朝御史李舜章
見戰船板屋慮其難於運用 啓聞請毀 上曰

此古名將丁傑所創勿毀也父郡守弘祿公風儀
嚴重器局峻整及丙子見五賢檄與同志諸公收
募兵糧到清州聞講和痛哭而還放浪湖山以終

寶城

朴春秀字彥實號我誰珍原人直提學熙中八世孫

祖光前號竹川 王子師傅倡義於壬辰亂 贈

左承旨父根孝號晚圃長水縣監 贈執義丁酉

募義赴難公生于 萬曆庚寅天性忠孝以文章

學行 除 宗廟署直長丁卯中進士拜連原道

察訪丙子北虜犯國李公興淳起淳崔公蒞梁公

曼容柳公楫分檄列邑召集義士要公同事公慨

然擊劔而起曰先獲我心糾率同志募聚兵糧直

赴礪山義幕進清州聞媾成痛哭而還以其所聚

兵糧屬于完營希賢堂至今為養士之資辛巳卒

于家追 贈叅議

朴顯仁 事實不傳

任况字季源號醉隱長興人文獻公元順後曾祖光

世冠山君祖希重進士號菊潭父千英通政從叔

汭陽君發英丙子亂奉 宗廟主板追入南漢圍

中衝冒賊陣而行賊義而不敢害公天姿英偉容

儀俊秀平生慷慨有大節文詞筆法卓冠一世丙子五賢義檄來到以公爲倡義都有司遂投袂以應糾結同志鳩合義穀所得最多前至清州聞和議成痛哭而還子望之屬安牛山邦俊義幕兩世忠義人皆欽服

金銑

銑舊本誤作銑

字汝潤號南湫金海人靈山縣監希說

子生于

萬曆癸巳終于

孝廟戊戌公氣宇宏

遠飭躬慎密探牘經傳透徹蘊奧多得先儒之所未發志操方毅盛德卓行爲世矜式甲子中生員與同春宋先生浚吉同年同春謂同年閔汝老曰

金銑非科儒俗士卽我東經學真儒趙浦洛翼李白江敬輿一見公亦皆稱大儒公嘗曰先立標榜無實下之功則此自欺而欺人爲人之方盡在經傳公之學務內而不務外類此丙子亂倡義募兵先推安牛山邦俊爲將公專管軍務及見壺山會兵之檄愈益慷慨與弟銓率家僮三十餘赴義至清州聞和成齋恨而歸杜門以終具載山陽五賢錄

安厚之

事實不傳

李宗臣

事實不傳

李敏臣字子求廣州人麗末儒賢號遁村集後七世祖之直文科直提學叩馬於昭悼之變以直節名六世祖仁孫文科右議政勲業著在國乘曾祖秀莞號養真中司馬文章德行爲一代羣賢之所推早廢舉業以蔭仕至內贍寺判官父泰男縣監公生于萬曆辛丑文詞夙成十五歲登鄉解行誼甚高一鄉後學多所獎進與仲兄進士儁臣受業于鄭休翁弘翼休翁大加獎許乙亥中司馬當丙子亂梁據梧曼容與同志諸公倡義傳檄道內而要公同事敵愾據梧乃公之姊夫也與公平日心

期相合公遂慨然投袂與一鄉士友協謀舉義未及南漢聞下城之報遂歸鄉里決意遜世以進士終享年五十九公歿後鄉人齊議立祠而子孫以公講和後韜晦之遺意止之鄉議不能強焉有子厚遠以詩名於世

廉誠立

誠舊本誤作來

字汝實號竹林坡州人十代祖悌臣

號梅軒謚忠敬官侍中封曲城府院君嘗在中國持帽帶制度而來東方衣冠文物自此始牧隱李先生稽銘其碑曰生民是育宗社是屏豐功偉德煥乎丹青展也元老一國儀刑高祖慎孫生員曾

祖浩 定陵參奉父世慶誠孝過人壬辰倭亂負
老父歷艱險得全父命 肅廟辛卯鄉人立祠于
梁山與梅軒并享公生於 萬曆壬辰天性卓異
孝友敦睦慷慨有志節一鄉以忠義皆推許逮丙
子見五賢倡義檄挺身奮然曰 君父播越此豈
臣子畏死之時乎即日以家事屬兄辭親而行與
鄉人同志糾旅會礪山至清州聞和成痛哭而歸
偃息竹林里第甲辰終于家

長興

丁南一字道謙號松隱靈光人麗朝歿節臣靈城君

贊九世孫也祖景達號盤谷壬辰亂守善山爲嶺
南義兵將殺倭無數立大功忠武李公辟公爲從
事官多畫兵略父鳴說號霽巖文科都事當昏朝
托盲不仕面斥權奸及改 玉日整衣冠北向四
拜曰天日復明我目亦明鄉人慕其世篤忠孝三
世立祠公天性純粹孝友隆篤甲子適變霽巖公
募義旅公竭力承志亂平而止是年中司馬嘗受
學於旅軒張先生顯光先生極稱歎曰南中經學
之士丁氏世世承襲當丙子亂奮袂而起以歿自
誓曰竭誠報國吾家世業應五賢檄與鄉人募旅

赴難至清州聞講和痛哭而歸謂倡義諸公曰春秋大義當以死守之奈之何反事犬羊乎主是事者果何人哉惟我懷忠赴義之徒計無所施同歸蹈海而已自是謝絕世事遯迹鄉閭題 大明二字於座右朝夕瞻拜有時擊劒而歌以寓忠憤金確字確然清風人月川君文平公吉通六代孫祖弘漢有文行父竣公天姿忠孝雅性忼慨早廢舉業砥礪節行丙子聞 御駕去郊不勝悲憤見五賢檄投袂而起與鄉人丁魏二公募聚義兵各自擔糗冒死赴難至清州聞和成揮涕罷歸隱居安

谷 朝家徵以 禧陵叅奉竟不起以終無嗣有一婿晉興君柳寔判書柳儼承旨柳健其外曾孫魏廷鳴字叔謙號磻溪懷州人高麗侍中菖珠後自是侍中平章等職奕世相承至閣門祇候神當我太祖革命之初以不服臣杖百遠流錮其子孫四世寔公之八世祖也父德厚濟用監判官號顏村公生而穎秀才調捷敏與伯仲兄有三難之稱文學著名拔大小鄉解十三而終屈省試丁昏朝廢科業杜門自修甲子适亂與二兄募兵穀以應諸公檄不書公名曰臨亂勤 王臣子常節願兄勉

旃弟戮力資助而已晝夜召募亂平而止丁卯虜
變又與二兄應號召使檄倡義至全州扈 邸宮
而還丙子聞 御駕播遷兄弟席藁露處雖風饕
雪虐不入寢室日夕揮涕見五賢義檄與一鄉義
士同心舉義每論軍務言淚俱發人皆感激而倚
重之及至礪山雲巖李公見其義氣之桓桓歎曰
一軍皆以魏廷鳴之心爲心國事無患矣兵至清
州聞和成齋恨而歸結茅溪上謝絕世事以布衣
終于家

海南

白尚賓字景揚號玉川水原人玉峰光勳孫壬辰扈
聖原從功臣號松湖振南子公生壬 萬曆壬辰
丙辰中生員文章德行克紹家業戊午 詔使王
夢尹姜曰廣之來館伴北渚金公溼薦公白衣製
述官而適病不得赴 召以公表從李持平彬薦
赴世稱三世白衣製述 國朝所罕而以公未赴
人皆惜之李東岳安訥詩曰三世流傳仍父子百
年磨滅幾公卿慎素隱天翊亦有三世能名次第
聞之句丙子亂聞 大駕去邠與弟尚賢奮起草
野爲本邑都有司糾合義旅冒歿赴難至清州聞

丙子傳事錄卷之二 四十九
和事已成北向痛哭而歸仍杜門廢舉業語到丙
丁未嘗不流涕兄弟連床詩酒自適以終餘年梁
圖南輓之曰西山孤竹子東海魯連生丁丑年來
隱不專美聖清平生節義爲世所推如此

白尚賢字景輝號月洲玉川尚賓弟生于 萬曆乙

未丁卯中司馬孝友出天文章筆法趾美家聲丙
子亂與兄尚賓奮勵赴義矢歿 國難糾義旅前
到清州聞講和痛哭而歸杜門謝世湛樂以終當
世賢流莫不歎賞焉

尹仁美字子壽號牢癡軒海南人叅議 贈吏曹判

書忠憲公孤山善道子監司惟幾孫左叅贊號駱
川毅中曾孫校理 贈吏曹判書號涵亭衢玄孫
也公生于 萬曆丁未姿貌魁偉性孝友深沉有
度量宏才博識無所不通至於天文地理醫藥之
類亦皆精通文章渾渾筆翰如飛早有公輔之望
爲士林所推重忠憲公嘗曰仁美國器吾不能效
祁奚之薦子是負國也庚午中司馬與弟義美聯
璧 上以師備子別召便殿宣醞 恩語鄭重應
對如流 上稱忠勤可用目送而咨嗟丙子亂忠
憲公棟率家僮數百以木道赴難公請從行忠憲

公止之曰此行成敗未可知父子同赴木道非計也汝則不如糾合義旅由旱路進若宗社復安父子再見則天也慎勿以老我爲念生死以之時本道倡義五賢知公之幹局推以爲兵糧都有司公慨然奮起又揀出家僮自辦糧餉七百斛且募且聚赴義陣至清州始聞朝議已定遂與諸公痛哭而歸忠憲公亦以舟師至沁都而返父子相面流涕論大義遂浮海入保言島以爲終焉計後筮仕別檢終無科宦之意己亥忠憲公論禮得罪謫三水圍籬國典罪人子登第撤籬公不得已赴

舉屢見拔 顯廟壬寅始登文科隸成均爲學諭在野十三年卒於甲寅壽六十八 顯廟戊子特贈獻納後例 贈司諫

金鍊之字精叔號松隱金海人吏曹參判號西湖永堅六世孫叅奉延壽孫生員安邦子也公自少力行能文章言行忠信孝友根心生員公嘗病頽嚙指灌血於口以延壽癸亥丁內憂哀毀盡禮廬墓三年鄉黨稱甘孝乙卯中進士庚午登庭試見拔仁廟特爲嘉獎 宣賜小學至今遺傳當丙子亂聞南漢被圍徵兵之 教自圍中下五賢義檄亦

來到公席藁露處設義廳于本縣約誓宗族及境
內士友曰 皇朝恩義天地綱常主辱臣死古今
通誼此正義 捐軀報 國之秋起義父生員公
蕩盡家藏以助器械公募合義旅與鄉人行
至礪山與道內諸公同赴清州聞媾成與諸義士
相向痛哭決意遯世賦詩見志曰 皇明日月暗
風沙擊劒中宵感慨多白首孤臣安所適湖山一
路向南斜兵罷日以所辦軍需屬 道營門歸西
門舊庄杜門歛迹手植老松以老松名其里扁其
齋特書 大明天地宗禎日月以寓已意語及丙

丁涕泗泫然老松亭前洋卽朝 天舊路海中有
燕 以島候風館日夕望洋愀然常有蹈海之志終
身接息於老松之下老松至今猶有詳載邑誌公
生于 萬曆丁丑卒於辛巳

尹惟翼 事實不傳

尹績字熙伯號蒜山海南人戶曹參判漁樵隱孝貞
曾孫牧使拙齋行 父明中禮賓副正公少學于
從兄橘屋光政以文藝行誼稱 萬曆中進士忠
孝愷悌丁卯亂糾合義旅當丙子亂家事專屬於
從弟縝而募兵聚糧赴難和成後與從弟進士緯

處士縝隱居杜門以詩筆自娛事載海南邑誌生於戊寅卒于丙子

尹善繼字孝伯號雙亭海南人漁樵隱孝貞玄孫杏堂復曾孫丁酉舉從事官端中孫自少以古人自期早廢舉業修身行誼爲世所推累入鄉薦當丙子亂應五賢檄募義旅與同志諸公齊會赴難聞南漢出城悲憤還鄉自靖林下蔡胡州裕後以逸工稱之生於萬曆丁酉卒於丁酉

海南丙子倡義錄卷之二

